

徐文長先生



吳王近川梓

評本長吉集

李賀詩編序



太龔五季十月中半夜時舍

外有疾呼傳緘書者牧曰必

有異亟取火來及發之果集

賢學士沈公子明書一通曰

我亡友李賀貞元和中是我愛  
甚厚日夕相與起居飲食賀  
且死嘗授我平生所著歌詩  
雜為四編凡二百三十三首數  
季來東西南北良為已失今夕

醉解不復得寐即閱理篋帙  
忽得賀詩前授我者思理往  
事凡與賀話言嬉遊處所  
一物候一日一夕一觴一飴顯  
焉無有忘棄者不覺出涕

賀復無家室子弟得以給養  
卹問常恨想其人詠味其言止  
矣子厚於我與豕為賀集序  
盡道其所來由亦少解我意  
牧其夕不果以書道不可明日

就公謝且曰世謂賀才絕出

前讓居數日牧深惟公曰公於

詩為深妙奇博且復盡知賀

之得失長短今實叙賀不讓必  
不能當公意如何復就謝極

道所不敢叙賀公曰子固若  
是當慢我牧因不敢復辭勉  
為賀叙然甚慙賀唐皇諸孫  
字長吉元蘇中韓吏部亦頗  
道其歌詩雲烟繇聯不足為  
其態也水之迢々不足為其情  
也春之盜々不足為其和也秋  
之明潔不足為其格也風檣  
陣馬不足為其勇也瓦棺篆  
鼎不足為其古也肯花美女

不足為其色也荒國墜殿榱  
莽丘隴不足為其恨怨悲愁  
也鯨吐鰲擲牛鬼蛇神不足  
為其虛荒誕幻也蓋騷之苗  
裔理雖不及辭或過之騷之

有感怨刺對言及君臣理辭  
時有以激發人意乃賀所為  
得無有是賀能探尋前事  
所以深難恨古今未嘗經道  
者如金銅僂八辭漢歌補梁

庾肩吾宮體謠求取情狀離  
絕遠去筆墨畦逕間亦殊不  
能知之賀生二十七季死矣世  
皆曰使賀且未死少加以理奴  
僕命騷可也賀死後凡十有

五季京兆杜牧為其叙

唐李長吉詩集目錄

卷之一

李憑箏篋引

殘絲曲

還自會稽歌

寄權璩楊敬之

示弟猶

竹

賦御溝水

憶昔山谷山居

七夕

過華清宮

送沈亞之歌

詠懷二首

追和柳惲

秦坊正字劍子歌

貴公子夜闌曲

鴈門太守行

大堤曲

蜀國絃

蘇小小墓

夢天

唐兒歌

綠章封事



十二月樂詞 并閨月

天上謠

浩歌

秋來

帝子歌

秦王飲酒

洛妹真珠

李夫人

走馬引

湘妃

南園十三首

卷之二

金銅仙人辭漢歌

古悠悠行

黃頭郎

馬詩二十三首

申胡子感策歌

老夫採玉歌

傷心行

中曲

黃家洞

屏風曲

南山田中行

貴主征行樂

酒罷張大徹索贈詩張初效潞幕

羅浮山人與葛篇

雜敘皇甫湜

宮娃歌

堂堂

勉愛行二首送小季之廬山

致酒行

長歌續短歌

公莫舞歌

昌谷北園初筍四首

惱公

感諷五首

三月過行宮

卷之三

追和何謝銅雀妓

送秦光祿北征

酬答二首

畫角東城

朝謝秀才四首

昌谷讀書示巴童

巴童答

代崔家送客

出城

莫種樹

將發

追賦畫江潭苑四首

病酒寄十四兄

難忘曲

賈公問貴齋曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

奉和二兄罷使遣馬歸延州

答贈

題趙生壁

感春

仙人

河陽歌

花遊曲并序

春晝

安樂宮

蝴蝶飛

梁公子

牡丹種曲

後園鑿井

開愁歌

秦宮詩

古鄴城童子謠效王粲刺曹操

楊生青花紫石硯歌

房中思

石城曉

苦晝短

章和二年中

春歸昌谷

昌谷詩

銅駝悲

自昌谷到洛後門

七月一日曉入太行山

秋涼詩寄正字十二兄

卷之四

艾如張

上雲樂

摩多樓子

猛虎行

日出行

苦篁調嘯引

拂舞歌詞

夜坐吟

箜篌引

巫山高

平城下

江南弄

榮華樂

相勸酒

瑤華樂

北中寒

梁臺古愁

公無出門

神絃曲

神絃

神絃別曲

綠水詞

沙路曲

上之回

高軒過

貝宮夫人

蘭香神女廟

送韋行實兄弟入關

洛陽城外別皇甫湜

溪晚涼

官不來題皇甫湜先輩廳

長平箭頭歌

江樓曲

塞下曲

染絲上春機

五粒小松歌

塘上行

李將軍歌

休洗紅

野歌



將進酒

美人梳頭歌

月漉漉篇

京城

官街鼓

許公子鄭姬歌

新夏歌

題歸夢

經沙苑

出城別張又新酌李漢

卷之五

南園

假龍吟歌

感調六首

莫愁曲

夜來樂

嘲雪

春懷引

白虎行

有所思

嘲少年

高平縣東松路

神仙曲

龍夜吟

崑崙使者

漢唐姬飲酒歌

聽穎師琴歌

謠俗

李長吉小傳

李商隱撰

京兆杜牧爲李長吉集序狀長吉之奇甚盡世傳之長吉姊嫁王氏者語長吉之事尤備長吉細瘦通眉長指爪能苦吟疾書最先爲昌黎韓愈所知所與游者王參元楊敬之權璩崔植爲密每且日出與諸公游未嘗得題然後爲詩如他人思量牽合以及程限爲意恒從小奚奴騎

年久  
世考亦  
人有之

距驢背一古破錦囊遇有所得即書投囊中及  
暮歸太夫人使婢探囊出之見所書多輒曰是  
兒要當嘔出心始已耳上燈與食長吉從婢取  
書研墨疊紙足成之投他囊中非大醉及弔喪  
日率如此過亦不復省王楊輩時復來採取寫  
去長吉往往獨騎往還京雒所至或時有著隨  
棄之故沈子明家所餘四卷而已長吉將死時  
心畫見一緋衣人駕赤虯持一版書若太古象

或霹靂石文者云當召長吉長吉子不能讀  
下榻叩頭言阿婆長吉學語時呼太夫人云老  
且病賀不願去緋衣人笑曰帝成白玉樓立召  
君為記天上差樂不苦也長吉獨泣邊人盡見  
之長吉氣絕常所居廳中教教有煙氣聞行車  
聲管之聲太夫人急止人哭待之如炊五斗黍  
許時長吉竟死王氏妙非能造作謂長吉者實  
所見如此嗚呼天蒼蒼而高也上果有帝耶帝

陰攝詞妻  
愴且泣歸  
泗湧今人  
不能作

果有苑囿宮室觀閣之玩耶苟信然則天之高  
邈帝之尊嚴亦宜有人物文彩愈此世者何獨  
眷眷於長吉而使其不壽耶噫又豈世所謂才  
而奇者不獨地上少耶天上亦不多耶長吉生  
二十七年位不過奉禮太常當時人亦多擢擯  
毀斥之又豈才而奇者帝獨重之而人反不重  
耶又豈人見會勝帝耶

附錄

見幽閒鼓吹

唐清河張回撰

李藩侍郎嘗綴李賀歌詩為之集序未成知賀  
有表兄與賀為筆硯之舊召之見托以搜訪所  
遺其人敬謝且請曰某盡得其所為亦見其多  
點竄者請得所葺者視之當為改正李公喜并  
付之彌年絕跡李公怒復召詰之其人曰某與

賀中外自小同處恨其傲忽嘗思報之所得兼  
舊考言一時投於溷中矣李公大怒叱出之嗟  
流傳者少

見山堂書

唐李賀長吉常使小奚奴背一古破錦囊隨行  
遇有所得卽書投囊中及暮歸足成之太夫人  
見所書多輒曰是兒要當嘔出心肝始已耳有  
人謁賀見其久而不言唾地者三俄而又成三

篇元禎以明經中第願與賀交賀見刺曰明經  
及第何事來見李賀禎慚而退未幾制策登科  
禮部議賀父名晉不合舉進士時輩排之賀竟  
不第將死時晝見一緋衣人駕赤蚪持一版書  
若太古篆或霹靂石文者云上帝新作白玉樓  
成立召君爲記少之賀氣絕有表兄與賀筆硯  
之舊恨賀傲忽賀死後給取其藁盡投溷中

徐文長傳

同郡陶望齡撰

徐渭字文長山陰人幼孤性絕警敏九歲能屬  
文年十餘傲揚雄解嘲作釋毀二十爲邑諸生  
試屢雋胡少保宗憲總督浙江或薦渭善古文  
詞者招致幕府筦書記時方獲白鹿海上表以  
獻表成召渭視之渭覽罷矐視不答胡公曰生  
有不足耶試爲之退其藁進公故豪武不甚能

別識乃寫為兩國戒使者以視所善諸學士董公份等謂孰優者卽上之至都諸學士見之果賞渭作表進

上大嘉悅其文旬月間遍誦人口公以是始重渭寵禮獨甚時都御史武進唐公順之以古文負重名胡公嘗袖出渭所代謬之曰公謂予文若何唐公驚曰此文殆輩吾後又出他人文唐公曰向固謂非公作然其人誰耶願一見之公

乃呼渭偕飲唐公深獎歎與結驩而上書歸安茅副使坤時游於軍府素重唐公嘗大酒會文士畢集胡公又隱渭文語曰能識是爲誰筆乎茅公讀未半遽曰此非吾荆川必不能胡公笑謂渭茅公雅意師荆川今北面於子矣茅公慙慍面赤勉卒讀謬曰惜後不逮耳其爲名輩所賞服如此渭性通脫多與羣少年昵飲市肆幕中有急需召渭不得夜深開戟門以待之偵者得



狀報曰徐秀才方大醉豪囂不可致也公聞反稱甚善時督府勢嚴重文武將吏庭見懼誅責無敢仰者而渭戴救烏巾衣白布澣衣直闖門入示無忌諱公常優容之而渭亦矯節自好無所顧請然性豪恣間或籍氣勢以酬所不快人亦畏而怨焉及宗憲被逮渭慮禍及遂發狂引巨錐刺耳刺深數寸流血幾殆又以椎擊腎囊碎之不死渭爲人猜而妬妻死後有所娶輒以

婦身至是又擊殺其後婦遂坐法繫獄中憤懣欲自決爲文自銘其墓曰山陰徐渭者少慕古文詞及長益力旣而有慕於道往從前長沙守季先生究王氏宗旨謂道類禪又去叩於禪久之人稍許之然文與道終兩無得也賤而情且直故憚貴交似傲與衆處不凜袒裸似玩人或病之然傲與玩亦終兩不得其情也舉於鄉者八而不一售僦數椽儲瓶粟者十年一旦客於

幕府典文章數赴而數辭投筆出門人爭愚而危之而已深以爲安其後公愈折節等布衣留者兩朞贈金以數百計人爭榮而安之而已深以爲危至是忽自覓死人曰渭文士且操潔可無死不知古文士以入幕操潔而死者衆矣乃渭則自死孰與人死之渭爲人度於義無所關時輒踈縱不爲儒縛一涉義所否雖斷頭不可奪故其死也親莫制友莫解焉平生有過不肯

不知恥以爲知斯言蓋不妄者其自名如此然卒以援者力獲免旣出獄縱遊金陵北客於上谷居京師者數年獄事之解張官諭元怵力爲多渭心德之館其舍旁甚驩好然性縱誕而所與處者頗引禮法久之心不樂時大言曰吾殺人當死頸一茹亦耳今乃碎磔吾肉遂病發棄歸旣歸病時作時止日閉門與狎者數人飲噓而深惡諸富貴人自郡守丞以下求與見

者皆不得也嘗有詣者伺便排戶半入渭遽手  
拒扉口應曰某不在人多以是怪恨之晚絕穀  
食者十餘歲人問何居曰吾噉之久偶厭不食  
耳無他也尤不事生業客幕時有餽之氈絨十  
許匹者遂大製衣被下及所嬖私褻之服靡不  
備者一日都盡及老貧甚鬻手自給然人操金  
請詩文書繪者值其稍裕卽百方不得遇窘時  
乃肯爲之所受物人人題識必償已乃以餘費

不卽餒餓不安用也有書數千卷後斥賣殆盡  
疇荒破弊不能再易至藉藁寢年七十三卒渭  
爲諸生時提學副使薛公應旂閱所試論異之  
置第一判牘尾曰句句鬼語李長吉之流也及  
被遇胡公值比歲公思爲渭地諸廉官入謁屬  
之曰徐渭異才也諸君教士而得渭者吾爲報  
之時胡公權震天下所出口無不欲爭得以媿  
者而偶一令晚謁其人貢士也公心輕之忘不

與語及試涓牘適屬令事將竣諸人乃大索獲之則彈擿遍紙矣人以是歎涓無命而服薛公知人焉涓於行艸書尤精奇偉傑嘗言吾書第一詩二文三畫四識者許之其論書主於運筆大槩助諸米氏云所著文長集闕篇櫻桃館集各若干卷今合刻之注莊子內篇參同契黃帝素問郭璞葬書各若干卷四書解首楞嚴經解各數篇皆有新意涓父總以龍里衛戍籍領貴

州鄉薦如至龍里也土人譁之總以教讀自晦授童子孝經故謬其讀土人笑曰是不足遂也已而得薦仕至夔州府同知涓貌修偉肥白音朗然如鶴唳常中夜呼嘯有羣鶴應焉二子曰枚枳人對來顯亦必不可刻也

陶望齡曰越之文士著名者前惟陸務觀最善後則文長自古業盛行操翰者羞言唐宋知務觀者鮮矣況文長乎文長負才性不能謹飾節

目然蹟其初終蓋有處士之氣其詩與文亦然  
雖未免瑕類咸以成其爲文長者而已中被詬  
辱老而病廢名不出於鄉黨然其才力所詣質  
諸古人傳於來禩有必不可廢者秋潦縮原泉  
見彼厯喧汎溢者須與耳安能與文長道修短  
哉文長沒數載有楚人袁宏道中郎者來會稽  
於望齡齋中見所刻初集稱爲奇絕謂有明一  
人聞者駭之若中郎者其亦涓之桓譚乎

又傳

公安袁宏道撰

余少時過里肆中見北雜劇有四聲猿意氣豪  
達與近時書生所演傳奇絕異題曰天池生疑  
爲元人作後適越見人家單幅上有署曰水月  
者強心鐵骨與夫一種磊塊不平之氣字畫之  
中宛宛可見意甚駭之而不知田水月爲何人  
一夕坐陶編修樓隨意抽架上書得闕編詩一

帙惡楮毛書烟煤敗黑微有字形稍就燈間讀  
之讀未數首不覺驚躍急呼石簣闕編何人作  
者今耶言耶石簣曰此余鄉先輩徐天池先生  
書也先生名渭字文長嘉隆間人前五六年方  
卒今卷軸題額上有田水月者卽其人也余始  
悟前後所疑皆卽文長一人又當詩道荒穢之  
時獲此奇祕如魘得醒兩人躍起燈影下讀復  
叫叫復讀僮僕睡者皆驚起余自是或向人或  
作書皆首稱文長先生有來看余者卽出詩與  
之讀一時名公鉅匠浸浸知嚮慕云文長爲山  
陰秀才大試輒不利豪蕩不羈總督胡梅林公  
知之聘爲幕客文長與胡公約若欲客某者當  
具賓禮非時輒得出入胡公皆許之文長乃葛  
衣烏巾長揖就坐縱譚天下事旁若無人胡公  
大喜是時公督數邊兵威振東南介冑之士膝  
語蛇行不敢舉頭而文長以部下一諸生傲之

信心而行恣臆譚謔了無忌憚會得白鹿屬文  
長代作表表上

永陵喜甚公以是益重之一切疏記皆出其手  
文長自負才略好奇計談兵多中凡公所以餌  
汪徐諸虜者皆密相議然後行嘗飲一酒樓有  
數健兒亦飲其下不肯留錢文長密以數字馳  
公公立命縛健兒至麾下皆斬之一軍股慄有  
沙門負貲而穢酒間偶言於公公後以他事杖

之其信任多此類胡公既憐文長之才哀其  
數困時方省試凡入簾者公密屬曰徐子天下  
才若在本房幸勿脫失皆曰如命一知縣以他  
羈後至至期方謁公偶忘屬卷適在其房遂不  
偶文長既以不得志於有司遂乃放浪麴蘖恣  
情山水走齊魯燕趙之地窮覽朔漠其所見山  
奔湧立沙起雲行風鳴樹偃幽谷大都人物魚  
鳥一切可驚可愕之狀一一皆達之於詩其胸

中又有一段不可磨滅之氣英雄失路托足無  
門之悲故其爲詩如嗔如笑如水鳴啖如鍾出  
土如寡婦之夜哭羈人之寒起當其放意平疇  
千里偶爾幽峭鬼語秋墳文長眼空千古獨立  
一時當時所謂達官貴人騷士墨客文長皆叱  
而奴之恥不與交故其名不出於越悲夫一日  
飲其鄉大夫家鄉大夫指筵上一小物求賦陰  
令童僕續紙丈餘進欲以苦之文長援筆立成

其流其紙氣韻適逸物無遁情一座大驚文長  
喜作書筆意奔放如其詩蒼勁中姿媚躍出余  
不能書而謬謂文長書決當在王雅宜文徵明  
之上不論書法而論書神先生者誠八法之散  
聖字林之俠客也間以其餘旁溢爲花艸竹石  
皆超逸有致卒以疑殺其繼室下獄論死張陽  
和力解乃得出旣出倔强如初晚年憤益泔佯  
狂益甚顯者至門皆拒不納當道官至求一字



不可得時攜錢至酒肆呼下隸與飲或自持斧  
擊破其頭血流被面頭骨皆折揉之有聲或槌  
其囊或以利錐錐其兩耳深入寸餘竟不得死  
石簣言晚歲詩文益奇無刻本集藏於家余所  
見者徐文長集闕編二種而已然文長竟以不  
得志於時抱憤而卒石公曰先生數奇不已遂  
爲狂疾狂疾不已遂爲囹圄古今文人牢騷困  
苦未有若先生者也雖然胡公間世豪傑

永陵英主幕中禮數異等是胡公知有先生矣  
表上人主說是人主知有先生矣獨身未貴耳  
先生詩文崛起一掃近代蕪穢之習百世而下  
自有定論胡爲不遇哉梅客生嘗寄余書曰文  
長吾老友病奇於人人奇於詩詩奇於字字奇  
於文文奇於畫余謂文長無之而不奇者也無  
之而不奇斯無之而不奇音也哉悲夫

李長吉先生所著詩甚夥唐太和中京兆杜牧為其  
序彙而刻之共得古樂府近體若干餘篇流傳數代  
日久斷簡殘編無所稽考戊午春有白門之役時有  
馬君家藏書二函見山陰徐渭董懋策二子批註行  
世予訪數季欲購得茲本其板遭燬今已漫滅終不  
復得始有玉石俱焚之慟今春有坊人聞予之言或  
持是集見贈數十年遍求心力交瘁今懷璧而歸亦  
人力耶亦天與耶不得而知也嗟乎使讀者無滄海  
遺珠之嘆可謂美矣不敢獨秘重加校訂悉遵原板  
以公同好至於詩之古雅則有徐董二子賞音何煩

予之贊言至非... 乾隆辛酉歲則月立秋後一日白嶽陳震東崖氏

識於于湖之修行草堂



唐李長吉詩集卷之一



明會稽 文長徐渭 揆仲董懋策 批註

李憑箏篋引



吳絲蜀桐張高秋空山凝雲頽不流徐聲過江娥

啼竹素女愁徐聞之李憑中國彈箏篋嶺山玉碎

鳳凰叫徐此一句芙蓉泣露香蘭笑徐亦聞十二

門前融冷光徐帝京門十二也古樂府邴邴十二

李長吉詩集 卷之一 一 三

團說得古  
去怪怪

三絲動紫皇女媧煉石補天處石破天驚迨秋雨

徐聲激之使然董夢入神山教神姬老魚跳波瘦

蚊舞吳質不眠倚桂樹董吳質疑當作吳剛露脚斜飛濕寒

兔徐結三句皆夢中所見董分明說李憑是月宮霓裳之樂却說得奇怪

殘絲曲徐賦晚春也

垂楊葉老鶯哺兒殘絲欲斷黃蜂歸綠鬢年少金

釵客徐金釵客女客也作男子亦得言狎金釵之少年縹粉徐白也壺中沉

琥珀徐酒也花臺欲暮春辭去落花起作迴風舞榆

夢相催不知數沈郎青錢夾城路董有偷夾錢

還自會稽歌并序

庾肩吾於梁時嘗作官體謠引以應和皇

子及國世淪敗肩吾先潛難會稽後始還

家僕意其必有遺文今無得焉故作還自

會稽歌以補其悲

野粉椒壁黃濕螢滿梁殿臺城應教人徐應制也秋衾

夢銅輦吳霜點歸鬢身與塘蒲晚徐衰也脉脉辭金

離華

魚徐卸所佩也 驕臣守逆賊

山城寄權璩楊敬之徐當是應舉失意人

艸暖雲昏萬里春宮花拂面送行人自言漢劍當

飛去徐漢高帝斬蛇劍晉武庫火劍穿棟而飛 何事還車載病身

示弟猶徐率

別弟三年後還家一日餘醪醅今夕酒徐衡州靈

呼日徐淡拙素 緜帙去時書徐行李不增去時 病骨猶能在人間底

事無徐時命不常即未句意 何須問牛馬拋擲任臬盧徐此句

徐平易似不出賀子尤是賀之佳佳處

言不可定即牛馬臬盧意

竹徐半

入水文光動抽空綠影春露華生筍徑苔色拂霜

根織可承香汗竿應釣錦鱗三梁曾入用一節奉

王孫徐此二句見史記趙世家董趙世家襄子奔晉陽原過從後至於王澤見三人与原過竹

二節莫過日以遺趙母郵原過以告襄子襄子剖竹有朱書曰余霍太山山陽侯夫使也余將賜女

林胡之地云云

同沈駙馬賦得御溝水徐半

入苑白泱泱宮人正屬黃徐照水遠堤龍骨冷徐

石拂岸鴨頭香徐綠別館驚殘夢徐流停杯泛小

觴幸因流浪處暫得見何郎徐即于

始為奉禮憶昌谷山居徐率

掃斷馬蹄痕徐居官衙回自閉門長鎗江米熟陸沉

方頭浙米之意或曰鎗讀作鎗釜屬小樹棗花春向壁懸如意當簾

閱角巾重角巾指用羊祐犬書曾去洛鶴病悔遊

秦土甌封茶葉山杯鎖竹根不知船上月誰棹滿

溪雲

七夕徐率

別浦今朝暗羅帷午夜愁鵲辭牽線月花入曝衣

樓天上分金鏡人間望玉鈎錢塘蘇小小更值一

年秋

過華清宮徐半

春月夜啼鴉宮簾隔御花雲生朱絡暗石斷紫錢

斜玉梳盛殘露銀燈點舊紗蜀王無近信泉

徐末二句  
忽說至此  
信手拈來

土有芹芽。徐山精化為女子蜀王哀其死葬之極其隆以此明皇貴妃事董竊意明皇幸蜀故稱蜀王不  
必入山精故事

送沈亞之歌 并序

文人沈亞之元和七年以書不中第返歸於吳江吾悲其行無錢酒以勞又感沈之勤請乃歌一解以勞之

吳興才人怨春風。桃花滿陌千里紅。紫絲鞭也竹斷。驄馬小兒家在錢塘東。復東。徐此上賦在家景下束裝景 白藤

交穿織書笈。短策齊裁如梵夾。徐梵經不斜每帙以夾束 雄光

寶礦獻春卿。董雄光豈馬耶 烟底暮波乘一葉。春卿拾材

白日下。擲置黃金礦。徐應 解龍馬。董三字應雄光 攜笈歸江

重入門。勞勞誰是隣君者。吾聞壯夫重心骨。古人

三走無摧挫。徐三走或孟明事或管仲事 請君待旦事長鞭。他

日還轅及秋律。

詠懷二首 徐率

長卿懷茂陵。綠艸垂石井。彈琴看文君。春風吹鬢



影梁王與武帝棄之如斷梗徐相如棄此二君而死唯留一

簡書金泥泰山頂

其二徐率

日夕看書罷驚霜落素絲徐白髮鏡中聊自笑詎是

南山期徐詩南山有臺言君子有壽又為邦家之基而已不加之故曰詎是南山期頭

上無幅巾苦藥已染衣徐欲著黃衣為道士也不見清溪魚

飲水得相空徐清溪魚空飲不空食此已命薄空隱不空住也賀雖少年而頭已白故

有此早衰之莫

追和柳惲徐半

汀洲白蘋艸柳惲乘馬歸江頭櫺樹香岸上翔蝶

飛酒杯箬葉露徐卽竹葉玉軫蜀桐虛朱樓通水陌沙

暖一雙魚董謝寄書

春坊正字劔子歌徐半

先輩匣中三尺水董劔光如水曾入吳潭斬龍子隙月

斜明刮露寒練帶平鋪吹不滅董隙月二句狀劔之白光蛟胎

皮老蒺藜刺董蛟胎句狀劔室之古鵝鶩董鵝鶩可淬花白



鵬尾董白鵬尾亦狀其犀利潔白直是荆軻一片心莫教照見

春坊字徐明字未正莫教照見春坊正字之上若言用劔斬邪也董徐解甚奇而未必然

當是莫作書房裁紙刀之意耶按絲團金懸麗殺董狀劔之飾麗殺懸劔之具

神光欲截藍田玉提出西方白帝驚嗷嗷鬼母秋

郊哭董結句用斬蛇事

### 貴公子夜闌曲

裊裊沉水烟烏曉夜開景曲沼芙蓉波腰圍白玉

令董帶也臨秋池故腰帶令

### 鴈門太守行

黑雲壓城欲摧董黑雲博氣也與下白日字不礙甲光向日金

鱗董甲也開角聲滿天秋色裏塞上燕脂凝夜紫董狀

下句半捲紅旗臨易水霜重鼓寒聲不起報君黃

金臺上意提攜玉龍為君死董玉龍當是劔耶是馬耶

### 大堤曲徐率

妾家住橫塘紅紗滿桂香徐紅紗意也青雲教結頭上

髻明月與作耳邊璫蓮風起江畔春大堤上留北

人郎食鯉魚尾。妾食猩猩脣。董郎食二句只是魚熊兼美之意而尾脣

則美中之尤美也莫指襄陽道。徐指綠浦歸帆少。今日莒

浦花。徐難見明朝楓樹老。徐易老此二句似纔夏忽秋意

蜀國絃。徐半

楓香晚花靜。錦水南山影。驚石墜猿哀。徐形容蜀絃之聲

竹雲愁半嶺。徐絃哀竹雲亦愁涼月生秋浦。玉沙粼粼光。

誰家紅淚落。徐客字記得是妾字不忍過瞿塘。

蘇小小墓。董錢塘名倡也南齊時人

幽蘭露如啼眼。無物結同心。烟花不堪剪。董言不

火中草如茵。松如蓋。風為裳。水為珮。徐鳴也油壁車

久相待。冷翠燭。董翠燭勞光彩。西陵下。音風吹雨。

董西陵在錢塘之西蘇小小古樂府有我乘油壁車郎乘青驄馬何處結同心西陵松栢下

夢天。徐半

老兔寒蟾泣天色。董舍下露字雲樓半開壁斜白。董半為雲

玉輪軋露濕團光。鸞珮相逢桂香陌。黃鹿清

三山下。更變千年如走馬。董騎鹿如馬遙望齊州九點

李長吉詩集

烟蘊九一泓海水杯中瀉徐從天上望之世界之小如此

唐見歌杜幽公之子

陰雅

頭玉硤硤看刷翠杜郎生得真男子骨重神寒天  
廟器一雙瞳人剪秋水竹馬梢梢搖綠尾銀鸞睽  
光踏半臂東家嬌娘求對值濃笑書空作唐  
字董書空句狀都女相憐之甚奇眼大心雄知所以董以用也莫忘作  
歌人姓李

綠章封事為吳道士夜醮作

青霓扣額呼宮神鴻龍玉狗開天門石榴花發滿

溪津溪女洗花染白雲徐石榴二句似言五月炎熱而疫癘盛作時也染白

雲言夏雲之氣如火之色也所謂虛空風氣不清冷者也綠章封事徐造

也六街馬蹄浩無主董為道士作醮故無主猶言眾保福也虛空風

氣不清冷董譏吳無仙骨徐此夏時既自不清而車馬之浩蕩雜沓激發塵土以功其不

也清冷短衣小冠作塵土金家香街徐巷千輪鳴揚

雄秋室無俗聲徐鳴與聲對一貴一賤無俗聲誦讀之聲揚雄是蜀人讀書者多祖

之故云觀貼形願攜漢戟招書鬼徐漢戟雄故執容他人不解用

李長吉詩集

卷之

辛

鬼以雄本才  
人之領袖也  
休令恨骨填蒿里  
徐此二句言書生貧死之鬼可憐董

此二句因道士而自傷書生之竟欲并招之題說為吳道士夜醮是吳道士死而為之醮也短衣小冠指吳也楊雄賀自此也徐解未是

河南府試十二月樂詞 併閏月

正月

上樓迎春新春歸暗黃者柳宮漏遲薄薄淡靄弄野姿寒綠幽風生短絲錦牀曉臥玉飢冷  
露臉也徐花未開對朝暝宮街柳帶不堪折早晚首

蒲勝縮結 董此二句言光景之迅

二月

飲酒採桑津宐男艸生蘭笑人蒲如交劍風如薰  
勞勞鴛鴦怨酣春薇帳逗烟生綠塵 董狀綠帳也 金翹

峨眉愁暮雲 董二句承上怨字而言 杳颯起舞真珠裙津頭

送別唱流水酒客背寒南山死 徐結句古樂府焦仲卿妻孔雀篇形

容其死有命如南山石四體康且直之句此亦用南山之石以形容酒客之死也死者因金翹歌舞之化即化作望夫之意背寒則僵死矣董人祝壽則稱南山言不死也南山可死况酒客乎即天老

之意徐解  
太深鑿

三月

東方風來滿眼春  
花城柳暗愁殺人  
複宮深凝竹  
風起新翠舞  
袷董四字淨如水  
光風轉蕙百餘里  
暖霧驅雲樸  
天地軍裝  
官妓掃蛾淺搖搖  
錦旗夾  
城暖曲水飄香去  
不歸梨花  
落盡成秋苑

四月

曉涼暮涼樹如蓋  
千山濃綠生雲外  
依微香雨青

分食賦葉蟠花照  
曲門董榴也故云照即然之意  
金塘開水橋

碧漪老景沉重無  
驚飛墮紅殘萼  
暗參差董老景

在飛盡也暗綠  
也寫得奇絕

五月

雕玉押簾額輕熱  
籠虛門董井汲鉛華水  
扇織

鴛鴦紋迫雪舞涼  
殿甘露洗空綠  
羅袖從

徊翔香汗露賣粟  
如董珠

六月

裁生羅伐湘竹，徐生疎霜簟秋玉。徐湘炎炎紅鏡東方開，暈如車輪土徘徊。啾啾赤帝騎龍來。

七月

星依雲渚，冷露滴盤中圓。徐承露好花生木末。董

詞寒芙蓉，於未末衰蕙愁空園。夜天如玉砌，池葉極。徐極

人能下言，至七月則承到極大。青錢僅厭舞衫薄，稍知花實。

寒曉風何掃拂，北斗光闌干。

八月

嬾妾怨長夜，獨客夢歸家。傍簷蟲緝絲，向壁燈垂。

花簾外月光吐，簾內桐影斜。悠悠飛露姿，點綴池

中荷。

九月

離宮散螢，天似水。竹黃池冷，芙蓉死。月綴金鋪光。

脈脈涼苑，虛庭空澹白。露花飛飛，風艸艸翠錦。董

錦其爛斑滿層道，新人罷唱曉。瓏璵啼金井下。

疎桐。

十月

玉壺銀箭稍難傾董重

夜笑疑幽明董即半明滅也

碎霜斜舞上羅幕，燭龍兩行照飛閣徐此燭龍是言燭上雕飾

以龍非山海經所志之燭龍珠帷怨臥不成眠，金鳳刺董音衣

著體寒長看對月，鬪鸞環徐不成眠故起而對月

十一月

宮城團迴深嚴光，白天碎碎墮瓊芳董過鍾高飲

千日酒，徐敵也凝寒作君壽，御溝泉合董如環

素火井溫泉，在何處

十二月

日脚淡光紅灑灑，薄霜不銷桂枝下董有桂陰故不銷以足上

句淡字依稀和氣排冬嚴，已就長日辭長夜

閏月

帝重光年重時，七十二候迴環推天官，街瑄董即

灰剝徐切飛今歲，何長來歲遲，王母移桃獻天子

義氏和氏迂龍轡董迂字青是迂字

天上謠 徐半

天河夜轉漂迴星。銀浦流雲學水聲。董流雲似水而無聲故曰

玉宮桂樹花未落。仙妾董採香垂珮纓。秦妃

徐弄卷簾北牕曉。窻前植桐青鳳小。王子徐王吹

笙。鵝管長呼龍耕烟種瑤艸。董瑤艸植於天上故曰耕烟烟即雲也

粉霞紅綬藕絲裙。青洲步拾蘭若春。東指羲和能

走馬海塵新生石山下。董此句即滄海桑田之意

浩歌 徐劉宋時公主因其夫徐達之死遣丁都護收其喪遂相傳有丁都護歌見古

樂府

南風吹山作平地。帝遣天吳移海水。徐此二句桑田滄海之意

王母桃花千遍紅。彭祖巫咸幾迴死。青毛驄馬參

差錢。嬌春楊柳含細烟。寧人勸我金屈卮。神血未

凝身問誰。徐見爭人之美而神蕩故曰神血未凝又云身問誰即胡然而天之意也董身

不須浪飲丁都護。世上英雄本無主。身為誰也

買絲繡作平原君。有酒唯澆趙州士。徐不須浪飲

因宋公主已成歌曲之名矣。飲者必以此歌形容其英雄故為之浪飲賀之意言英雄甚多不必把



定漏催水咽玉蟾蜍徐夜易曉衛娘髮薄不勝梳徐二  
也衰看見秋看換新綠二十男兒那刺促徐不開

秋來徐雅

桐風驚心壯士苦衰燈絡緯啼寒素徐素指秋來機婦所織者

誰看青簡一編書不遣花蟲粉空蠹徐言書必蠹也董誰看與

不遣字作一氣解長思率今夜腸應直雨冷香寬古自言讀書之苦

弔書客徐弔書客乃祖價為文弔商山中佛殿南

來入豔異編弔書客亦似指傳中薛道待秋墳鬼等也董用聲若泣而弔也不必有故事

甲魚家詩恨血千年土中碧

帝子歌

洞庭帝子一千里涼風鴈啼天在水董涼天九節菖

蒲石上死湘神彈琴迎帝子山頭老桂吹古香雌

龍董雌龍指湘神怨吟寒水光沙浦走魚白石郎閒取真

珠擲龍堂

秦王飲酒徐古樂府有秦王春衣歌名

秦王騎虎遊八極董騎虎狀其威武劍光照空天自碧義

和敲日董鞭御也。玻璃聲徐聲字作劫灰飛盡古今平。

董羲和二句狀其一。龍頭瀉酒邀酒星。金槽琵琶。

夜棖棖洞庭雨脚來吹笙徐雨脚以吹笙而來酒。

酣喝月使倒行董喝月者銀雲櫛七瑤殿明宮門。

掌事報一更董銀雲句言天將明而花樓玉鳳聲。

嬌獐海綃紅文香淺清黃鵝跳舞千年觥徐黃鵝

或其是黃娥仙人燭樹蟠烟輕董天明清琴醉眼淚泓。

泓徐淚似指燭樹董還是眼淚樂極而悲。

洛姝真珠徐雕

真珠小娘下青郭徐真珠小娘之各洛苑香風飛。

綽七寒髻斜釵玉燕光高樓唱月敲懸璫蘭風桂。

露灑幽翠紅絃裏雲咽深思花袍白馬不歸來徐

句指舊所歎濃蛾疊柳香唇醉金鵝屏風蜀山夢徐以

圍之而睡驚裙鳳帶行烟重徐即行雲以八驄董

作籠晃臉差移徐差或作羞猶羞明之日絲繁散。

熏羅洞董入牕二句言日高而市南曲陌無秋涼

徐悉楚腰衛髻四時芳徐即上句意玉嘆窈窕排空徐

也春也光牽雲徐聲曳雪徐自留陸郎徐陸郎即陸賈也所以知是賈

者以賀他曲有陸郎去矣乘珽騅亦是指賈董小娘當是倡耶花袍白馬指舊而陸郎指新耶

李夫人徐延年之妹

紫皇宮殿重重開夫人飛入瓊瑤臺徐此言夫人死時也綠

香繡帳何時歇青雲無光宮水咽徐即歇時也翩聯桂

花墜秋月孤鸞驚啼商絲發紅壁闌珊懸佩璫歌

臺小妓遙相望玉蟾瀉水雞人唱露華蘭葉參差

走馬引徐李

我有辭鄉劔玉徐自鋒堪截雲襄陽走馬客音氣

自生春朝嫌劔花淨暮嫌劔光冷徐襄陽客見嫌也能持

劔向人不解持照身徐嫌劔之冷淨即荆綵音重但知嫌劔而不知自嫌襄

陽客

湘妃徐靡

筠竹千年老不死長伴秦娥蓋湘水徐竹蠻娘吟為蓋

弄滿寒空九山

徐九疑山

靜綠淚

徐湘妃淚

花紅

董花字下得奇言萬

木落而唯見淚花也

離鸞別鳳

徐吟弄之曲

烟梧

徐烟梧蒼梧也

中丞雲

蜀雨遙相通

徐忽說到巫山神女與湘妃同是媼居

幽愁秋氣上青

楓涼夜波聞吟古龍

南園十三首

徐十三首多率

花枝艸蔓眼中開  
小白長紅越女腮  
可憐日暮媽

香落嫁與春風不用媒

董隨風所飄

其二

宮北田塍曉氣酣  
黃桑飲露翠宮簾  
長腰健婦偷

攀折將餒吳王入繭蠶

徐交趾蠶入繭

其三

竹裏籜絲挑網車  
青蟬獨噪日光斜  
桃膠迎夏香

琥珀自課越儂能種瓜

其四

三十未有二十餘  
白日長饑小甲蔬  
橋頭長老相

哀念因遺戎韜一卷書

董遺疑當作遣

其五

男兒何不帶吳鉤，收取關山五十州。  
請君暫上凌烟閣，若箇書生萬戶侯。

其六

尋章摘句老雕蟲，曉月當簾掛玉弓。  
不見年年在遼海，上文章何處哭秋風。  
重即何不賦詩退虜之意

其七

長卿牢落悲空舍，曼倩談諧取自容。  
見置若

水劍

徐若耶產劍

明朝歸去事猿公

徐學劍

其八

春水初生乳燕飛，黃蜂小尾撲花歸。  
柳含遠色通書幌，魚擁香鉤近石磯。

其九

泉沙奕臥鴛鴦暖，曲岸回篙舴艋遲。  
瀉酒木蘭椒葉盞，病容扶起種菱絲。

其十

邊壤今朝憶蔡邕無心裁曲徐不作笛臥春風舍南有

竹堪書字董無心作笛亦無心作書老去溪頭作釣翁徐蔡邕知柯亭

竹下三句與憶邕何干似謂不用竹為笛但以為竿耳

其十一

長巒谷口倚嵇家白晝千峯老翠華自履藤鞋收石蜜手牽苔絮長蕝花

其十二

松溪黑水新龍卵桂洞生硝舊馬牙誰遺虞卿藪

道帔輕綃二尺染朝霞董以桂松為帔耶

其十三

小樹開朝逕長茸濕夜烟柳花驚雪浦麥雨漲溪

田古刹疎鐘度遙嵐破月懸董破月即半邊月也沙頭敲石

火燒竹照魚船

唐李長吉詩集卷之一 終

唐李長吉詩集卷之二

明會稽 文長徐渭 批注  
揆仲董懋策

金銅仙人辭漢歌 并序

魏明帝青龍元年八月詔宮官牽車西取  
漢孝武捧露盤仙人欲立置殿前宮官既  
坼盤仙人臨載乃潸然淚下唐諸王孫李  
長吉遂作金銅仙人辭漢歌

茂陵劉郎秋風客夜聞馬嘶曉無跡董夜聞句言榮謝如旦暮

畫欄桂樹懸秋香三十六宮土花碧魏官牽車指

千里東關酸風射眸子空將漢月出宮門憶君清

淚如鈿水衰蘭送客咸陽道天若有情天亦老攜

盤獨出月荒涼渭城已遠波聲小董遠故小

古悠悠行徐感逝惜時之作

白景徐日也歸西山碧華徐月也上迢迢今古何處盡

千歲隨風飄海波變成石魚沫吹秦橋董海波二句亦來用

海之意此意一出于天上謠一出于浩歌詞則而意同而浩歌最奇矣一說魚沫句用秦始皇波

事海空光遠流浪銅柱從年消

黃頭郎董擢船郎以黃裹頭故曰黃頭郎

黃頭郎撈攏去不歸南浦芙蓉影愁紅獨自垂水

弄湘娥珮竹啼山露月玉瑟調青門石雲濕黃葛

沙上靡蕪花秋風已先發好持掃羅薦香出鴛鴦

熱徐靡蕪香艸以之掃薦則香在薦而比蕪而臥之人亦覺溫而不寒矣董鴛鴦豈薰爐耶徐解

強靡蕪可為拂箏者耶香不必言靡蕪也公亦有伏蕪掃綺纒末句待歸之意



馬詩二十三首

徐夔

龍脊貼連錢。銀蹄自踏烟。無人織錦韉。誰為鑄金

韉。徐亦不韉。過意。

其二

臘月艸根甜。天銜雪似鹽。未知口硬軟。先擬蒺藜

銜

其三

忽憶周天子。驅車上玉山。鳴騶辭鳳苑。赤墀曾取承

恩

其四

此馬非凡馬。房星本是星。向前敲瘦骨。猶自帶銅

聲

其五

大漠沙如雪。燕山月似鉤。何當金絡腦。快走踏清

秋。徐亦不遇意。

其六

○餓○臥○骨○查○牙○麤○毛○刺○徐音○破○花○董即印○鬣○焦○朱○色○

○落○徐不○髮○斷○錫○長○麻○董麻作纏牽若○鋸○而○髮○落○也○

其七

西母酒將闌東王飯已乾○董將闌已乾○君王若燕

去誰為拽車轅○

其八

赤兔無人用當須置布騎吾聞果下馬○董西城有

羈策任蠻兒○董果下驚馬也言若

其九

○殿○叔○去○忽○忽○如○今○不○豢○龍○董馬八○夜○來○霜○壓○棧○駭○

○骨○折○西○風○董夜來二句諷

其十

催榜渡烏江神驢泣向風君王今解劍何處逐英

雄○

其十一

內馬賜宮人銀韉刺董音麒麟牛時鹽坂上躡躑

溘風塵

其十二

批竹初攢耳桃花未上身他時須攬陣牽去借將軍

其十三

寶玦誰家子長聞俠骨香堆金買駿骨將送楚襄王

其十四

春香襍音羅新盤龍感銍鱗迴看南陌上誰道不逢春

其十五

飛不從桓公獵何能伏虎威一朝溝隴出看取拂雲飛

其十六

風唐劍斬隋公拳毛屬太宗莫嫌金甲重且去提鷹

其十七

白鐵剗青禾董馬礎聞落細莎世人憐小頸金燕  
畏長牙

其十八

伯樂向前看旋毛在腹間山祇今拚白艸何日暮青

其十九

廟寺賦經馬元從竺國來空知有善相不解走童

臺

其二十

重圍如燕尾寶劍似魚腸欲求千里腳先采眼中  
光

其二十一

暫繫騰黃馬仙人上綵樓須鞭玉勒吏何事謫高

州

其二十二

汗血到王家隨鸞撼玉珂少君騎海上人見是青螺

其二十三

武帝愛神仙燒金得紫烟廐中皆肉馬不解上天

申胡子感築歌 并序

申胡子朔客之蒼頭也朔客李氏本亦世家子得祀江夏王廟當年踐履失序遂奉

序亦古

官北郡自稱學長調短調久未知名今年

四月吾與對舍於長安崇義里遂將衣質

酒命予合飲氣熱杯闌因謂吾曰李長吉

爾徒能長調不能作五字歌詩直強迴筆

端與陶謝詩勢相遠幾里吾對後請撰申

胡子感築歌以五字斷句歌成左右人合

譟相唱朔客大喜擊觴起立命花娘出幕

徘徊拜客吾問所宜稱善平弄於是以弊

重平亦陰  
版是評

辭配聲與予為壽

顏熱感君酒。含嚼蘆中聲。花娘簪綵髮。休睡芙蓉

屏。董諷之使出幕誰截太平管。列點排空星。直貫開花風。

天上驪雲行。董即行云意今夕歲華落。令人惜年心。

董長吉詩  
向謝處

事如波濤中。坐時時驚朔。客騎白馬。劔肥懸蘭纓。

老夫採玉歌

採玉採玉須水碧。琢作步搖徒好色。董徒好言好得別人耳

老夫饑寒龍為愁。董龍為愁愁龍也藍溪水氣無清白。夜

雨圓頭食蓊子。董正足饑寒句杜鵑口血老夫淚。藍溪之

水獸生人。董獸是饜飮之厭言身死千年恨溪水。

斜山栢風雨如嘯。泉脚掛繩青。泉鼻。董豈以繩繫身而下採玉

令人可牽而出耶。抑狀溪水碧耶村寒白屋念嬌嬰。董嬌嬰老夫之嬰也古

臺石磴懸腸州。

傷心行

咽咽學楚吟。病骨傷幽素。秋姿白髮生。木葉啼風

兩燈青蘭膏歇落照飛娥舞董娥疑當作蛾古壁生凝塵  
翰竟夢中語

湖中曲 徐半

長眉越沙採蘭若桂葉水蕙春漠漠橫倚醉眠白  
晝閒渡口梅風歌扇薄燕釵玉股照青渠越王嬌  
郎小字書蜀紙封巾也徐悅報雲髻晚漏壺中水淋

徐惟盡徐約晚漏盡時與之會耶

黃家洞 徐時廣西容妙坂

雀步感沙聲促促徐箭狀箭鏃四尺角弓青石鏃  
黑幡三點銅鼓鳴高作猿啼搖箭旛徐此言洞酋射也董猿方啼而箭旛又搖動  
卽狀其疊中也 綵市纏踣幅半斜溪頭簇墜映

葛花山潭晚霧吟白蠶竹蛇飛蠹射金沙徐以上皆黃家洞之閒驅竹馬緩歸家官軍自殺容州槎董間驅景  
洞兒之不畏官軍而官軍自相殺也

屏風曲 徐雕

蝶棲石竹銀交關徐狀屏風之畫董以銀狀蝶水凝綠鴨瑠璃

錢徐飾也董團以溜狀鳴迴六曲抱膏蘭徐屏風圍將鬟鏡

上擲金蟬徐卸沉香火煖茱萸烟酒觥縮帶新承

歡月風吹露屏外寒城上烏啼楚女眠

南山田中行

秋野明秋風白塘水溇溇蟲嘖嘖雲根苔蘚山上

石冷紅徐花泣露嬌帝色董帝當荒畦九月稻叉

牙螿螢低飛隴逕斜石脉水流泉滴沙鬼燈如漆

照松花

貴主征行樂徐辭

美騎一作黃銅連鎖甲羅旗香幹金函棊中軍留

醉河陽城嬌嘶紫燕徐馬踏花行春營騎將如紅

玉走馬梢鞭上空綠女垣素月角董畫咿咿牙帳

未開分錦衣董錦衣以賞

酒罷張大徹索贈詩張初効浴幕

長鬣張郎三十八天遣裁詩花作骨董花作骨卽

往還誰是龍頭人公主遣乘魚須笏徐大夫乘



徐繁如雜  
三字妙

水行青州董春上白衫匣中章奏密如蠶金門石

閣知卿有薦徐角雞香早晚含隴西長吉摧頽

客酒闌感覺中區窄葛衣斷碎趙城秋吟詩一夜

東方白徐寒不  
能寐

羅浮山父一作與葛籥徐雕

依依宜織江雨空董江雨空猶言江雨天而  
雨中

六月蘭臺風博羅老仙時出洞千歲石牀啼鬼工

徐為之織葛董言鬼工亦啼  
蛇毒濃凝洞堂濕江  
狀其織之精也徐鉉木得

魚不食銜沙立董蚌毒二句狀洞中  
欲剪箱中一

尺天徐一尺天董謂江雨之空葛如其濛濛之緜  
細耶誠如此則首句是  
形容葛細耶不然則

狀其色耶徐戒勿吝也董玩文  
亦覺強

乞與  
之辭

仁和里雜敘皇甫湜湜新尉  
陸渾

大人乞馬癯乃寒宗人貸宅荒厥垣橫庭鼠逕董

也空土澁出籬大棗垂珠殘安定美人截黃綬董

人當指湜耶前  
宗人豈自謂耶  
脫落纓裾暝董暝  
朝酒還家白筆

未上頭使我清聲落人後徐當是推較賀者枉辱稱知犯

君眼排引纔陞強組斷董強字當上聲即綬短不以及深以自謙也洛

風送馬入長關闔扇董天未開逢狹犬那知堅都

相艸艸徐堅都豈班孟堅兩都賦耶果爾亦太漫略董堅都豈堅美解耶客枕幽

單看春老歸來骨薄面無膏疫氣衝頭髻莖少欲

雕小說于天官宗孫徐李不調為誰憐明朝下元

復西道崆峒攸別長如天董言別

宮娃徐雕

蟾光高懸照紗空花房夜擣紅守官象口吹香耗

氍暖七星掛城聞漏板寒入翠愚殿影昏彩鸞簾

額著霜痕啼蛙弔月鈎欄下屈膝銅鋪鑲阿甄夢

入家門上沙渚天河落處長州路願君光明如太

陽放妾騎魚撒波去董此句只是魚水之意

堂堂徐失寵之作

堂堂復堂堂紅脫梅灰香十年粉蠹生畫梁饑蟲

不食摧碎黃蕙花已老桃葉長禁院懸簾隔御光

羣清源中卷石湯徘徊白鳳隨君王

勉愛行三首送小季之廬山 徐半

洛郊無俎豆弊廐斬老馬小鴈過鑪峯影落楚水  
下長船倚雲泊石鏡秋涼夜豈解有鄉情弄月聊

鳴啞 董起句斬馬以為錢  
耶末二句語鴈耶

其二 徐率

別柳當馬頭官槐如兔目欲將千里別持我易斗

粟 徐以身  
轉祿也

其三

南雲北雲空脈斷 徐離  
別意 靈臺經絡懸春綫 徐勝  
斷意 青

軒樹轉月滿牀下國饑兒夢中見維爾之昆二十

餘年來持鏡頗有鬚辭家三載今如此索米王門

一事無荒溝古水光如不處南拱柳生蟬蟬 董拱  
柳小

柳折多而成朽蛙也江干幼客真可念郊原曉吹悲號號 徐南

雲一首當與  
斗粟為一首

致酒行 徐于祿不  
得之作

徐絕無離  
刻與卒之  
至者北賀  
二不可及  
乃在此等

零落棲遲一杯酒主人奉觴客長壽主父西遊困  
不歸家人折斷門前柳吾聞馬周昔作新豐客天  
荒地老無人識空齋巖上兩行書直把龍顏請  
澤我有迷竟招不得雄雞一聲天下白徐天曉也  
叫醒之也  
少年心事當拿雲誰念幽寒坐鳴呃徐言已亦不  
必自念幽寒  
也以足上句重此  
二句即醒之之詞

### 長歌續短歌

徐亦于祿  
不得之作

長歌破衣襟短歌斷白髮秦王不可見

徐戰國策  
王難得見

如天  
日夕成內熱渴飲壺中酒饑投隴頭

四月闌千里一時綠夜峯何離離明月落石底徘徊

徊浴石尋照出高峯外

董言落  
山也

不得與之遊

徐不  
知指

何人董不得與之遊即淮  
南時不與人遊言景遠也  
歌成髻先改

### 公莫舞歌

并序

公莫舞歌者詠項伯翼蔽劉沛公也會中

壯士灼灼於人故無復書且南北樂府率

有歌引賀迺諸家今重作公莫舞歌云

徐心絕

方花古礎排九楹刺豹淋血盛銀鬕華筵鼓吹無

桐竹長刀直立割雞筆

徐刀與筆相向如割然妙字一作鳴筆雞筆亦通謂

橫帽籠錦生紅緯日炙錦媽王未醉腰下三

看寶玦光項莊掉箭攔前起

徐以上代項伯焉項莊

材官小

臣公莫舞座上真神赤龍子芒碭雲瑞抱天迴

成陽王氣清如水

徐抑

鐵樞鐵棧重束關大旗

五丈撞雙鑲漢王今日頒秦印

徐頒秦印一作頒秦印猶言頒漢高

帝珮秦璽為天子也懷王約先入關者王之故漢宜秦印而不肯之也

絕臏刳腸臣

不論

昌谷北園新笋四首

徐步

籜落長竿削玉開君看母笋是龍材更容一夜抽

千尺別却池園數寸泥

其二

砍取青光寫楚辭膩香春粉黑離離無情有恨何  
人見露壓烟啼千萬枝

其三

家泉石眼兩三莖曉看陰根紫陌生今年水曲春  
沙上笛管新篁拔玉青

其四

古竹老梢惹碧雲茂陵歸臥嘆清貧風吹千畝迎  
雨嘯鳥重一枝入酒樽

惱公

徐五十韻必是美人惱公者猶亂我  
心曲也今方言可愛者及日可憎

宋玉愁空斷嬌嬈粉自紅歌聲春艸露

徐歌如  
珠之圓

掩杏花叢注口櫻桃小添眉桂葉濃

徐言  
翠也曉奩粧

秀麝夜帳減香筒

徐薰之  
久故減

鈿鏡飛孤鵲江圖畫水

蕙陵陀梳碧鳳腰裏帶金蟲

徐替  
飾也

杜若含清露

香蒲聚紫茸

徐插帶艸  
花之類

月分蛾黛破

徐重  
眉

花合

靨朱融

徐重  
唇脂

髮重疑盤霧腰輕乍倚風寄書題豆

蔻隱語笑芙蓉

徐芙蓉蓮也以蓮諱伶吳歌子夜  
男女相憐往往稱芙蓉故曰隱語

知芙蓉句為

憐故笑也

莫鎖茱萸匣

徐貯衣之匣莫  
鎖者恣其衣也

休開翡翠籠

翠籠

徐休開者不使  
飛去恣其玩也

弄珠驚漢燕燒蜜引胡蜂

徐引

蜂以媚嬈耶抑寫春景耶或以  
嬌嬈如花而蜂歸之如引致也  
醉纈拋紅網單羅

掛綠蒙徐二句狀屏風數錢教姪女徐出古買藥問巴賚

勻臉安斜鴈徐自臉移燈想夢能腸攢非束竹弦

急是張弓晚樹迷新蝶殘蛩徐音憶斷虹徐音古

特填渤海今日鑿崆峒徐二句是想夢能憶斷虹來專致之極如精衛填海

思公鑿山也繡沓寒長幔徐衣羅裙結短封心搖如舞

鶴骨出似飛龍徐想井檻淋清漆門鋪綴白銅徐

之麗屋室隈花開兔逕向壁印孤蹤徐孤當玳瑁釘簾

薄琉璃疊扇烘徐遮象牀綠素栢徐香瑤席卷香

徐形容席之細薄細管吟朝曉芳醪落夜楓宜男生是

老樞子發金墉徐豈開于龜甲開屏澁鵝毛滲墨

濃徐以用黃庭留衛瑾綠樹養韓馮徐駕雞唱星

懸柳鷓啼露滴桐黃娥初出坐徐豈即黃始耶寵

妹始相從蠟淚垂蘭燼秋蕪掃絢籠徐無即蕪蕪可作蕪者

吹笙翻舊引沽酒待新豐短佩愁填粟徐佩中長

弦怨削崧重削崧曲池眠乳鴨徐豈即前所謂鑿

水意小閣睡娃僮禳縫參雙綫鈎緙辭五驄徐五

那徐當李長吉詩集卷之二十一 十七 十八

是下總詩羔羊之縫素絲五總蜀煙飛重錦映雨徐指神女濺輕容拂

鏡羞溫嶠董用玉鏡臺事熏衣避買充董用韓壽偷香事魚生玉

藕下徐狀輕逸潔白耶人在石道中董以魚北人含水彎蛾翠

董蛾眉也登樓溟馬鬣徐舍水以溟馬髮馬鬣豈服節為馬鬣所結耶董馬鬣喻髮耶

使君徐羅敷居曲陌園令住臨邛桂火流蘇暖金爐

細娃通春遲徐夫聲待也王子態徐王子豈子晉仙耶抑北之道韞待之

耶鶯囀謝娘慵玉漏三星曙銅街五馬逢犀株防

膽怯銀液鎮心忪徐屬薄多病用此藥耳跳脫看王命徐跳脫

條脫手釧也豈用此以作算命錢耶琵琶道吉凶徐古有琵琶女巫暉之以迎神

云神憑其身而為人談吉凶也王徐去聲時應七夕徐應年命句七夕牛女成配也

夫位在三宮無力塗雲母多方帶藥翁徐即犀珠二句符

因青鳥送囊用絳紗縫漢苑尋官柳河橋闔禁鐘

徐闕歌義鐘月明中婦覺徐睡應笑畫堂空徐去

歌是天明閨鐘故中婦覺而不見耶柳中婦貧孤故覺而笑

四堂之空耶董未二句意則通篇豈紀夢耶果爾則惱公豈所謂怨天公耶

感諷五首

李長古詩集

七九



合浦無明珠，龍洲無木奴。木奴，楠也。用李衡事言。絹盡也。造化力不給，使君須越婦。未織作吳蠶，始蠕蠕縣官騎馬來。獐色虬紫鬚，懷中方板板。上數行書，不因使君怒。焉得指南盧，越婦拜縣官。桑牙今尚小，會待春日宴。絲車方擲掉，越婦通言語。小姑具黃桑縣官踏，冷去薄吏復登堂。

二

齊代無少年，日車何躡躡。我待紆雙綬，遺我星星

髮都門賈生墓，青蠅又斷絕。

徐青蠅，豈指讒賈生者耶。言讒者亦安在。

裁董青蠅為弔客，今并青蠅亦斷絕矣。不是詩之青蠅刺讒。

寒食垂楊天憤景

長蕭殺皇漢，十二帝唯帝。

徐文稱廢哲一夕信豎

鬼文明永淪歇。

董此章敘賈生以自甲

其三

南山何其悲，鬼雨灑空州。

董鬼乘雨而嘯，故雨亦為鬼。

長安夜

半秋風剪春姿，老低迷黃昏。逕裊裊青櫟道，月午樹立影一山。唯白曉漆炬，迎新入幽壙。螢擾擾

嶙迎新鬼也此章  
兩夜山中之感

其四

星盡四方高萬物知天曙已生須已養董已荷擔自也  
出門去君平久不反康伯遁國路曉思何饒饒闖  
闖千人語董此章赴市之感君平康伯皆托迹闖闖者以自比也

其五

石根秋水明石畔秋艸瘦侵衣野竹香蟄蟄垂葉  
厚岑中月歸來蟾光掛空秀桂露對仙娥星星下

雲逗淒涼梳子落山壘

董絳也

泣清漏

董泉也

下有張

仲蔚披書案將朽

董此章山居之感以仲蔚自況

三月過行宮

渠水紅繁擁御墻風嬌小葉學娥粧垂簾幾度青  
春老堪鎖千年白日長董千年之愁

唐李長吉詩集卷之二

終

唐李長吉詩集卷之三

明會稽

文長徐渭

批注

揆仲董懋策

追和何謝銅雀妓

佳人一壺酒

徐莫西陵之酒

秋容滿千里石馬臥新烟憂

來何所侶

徐似狀也

歌聲且潛弄陵樹風自起長裾壓

高臺泪

徐淚

眼看花機

送秦光祿北征

北虜膠堪折秋沙亂曉輦髯胡頻犯塞驕氣侶橫

霓灞水樓船渡管門細柳開將軍馳白馬豪彥騁

雄材箭射撓捨落旗懸日月低榆稀山易見甲重

馬頻嘶天遠星光沒沙平艸葉齊風吹雲路火

烽火也 雪汗玉關泥屢斷呼韓顛曾然董卓臍太常

猶舊寵光祿是新躋寶玦麒麟起銀壺狒狄啼桃

花連馬發綵絮撲鞍來呵臂懸金斗當脣注玉壘

清蘇和碎蟻紫膩卷浮杯虎韜先蒙馬魚腸且斷

犀趁輝西旅狗感額北方奚守帳然忝替看鷹永

夜棲黃龍就別鏡徐別內人青塚念陽臺周處長橋役

侯調短弄哀錢塘階鳳羽徐必光祿與愛子借正室劈鸞釵

內子攀琪樹羌兒奏落梅今朝擎劍去何日刺蛟

迎徐用周處

酬答二首

金魚公子夾衫長密裘腰鞞割玉方董玉帶行處春

風隨馬尾柳花偏打內家香徐似言公子佩內家之香而柳花偏打之

卽蝶蟻也解  
尋好處意

其二

雍州二月梅池春御水鵝鵲暖白蘋  
試問酒旗歌板地今朝誰是拘花人

畫角東城

河轉曙蕭蕭鷗飛睥睨高帆長標越  
鉅壁冷掛吳刀淡菜生寒日  
鱖魚溟白濤水花沾抹額  
旗鼓夜迎潮

謝秀才  
有妾編練改從於人秀才引出之不

得後生感憶座人製詩嘲諷賀復繼四首

感憶是妾  
感憶謝

誰知泥憶雲  
董言不相及也卽覆雨難收之意下首玉破不復亦同  
擊斷梨

花春荷絲製機練竹葉剪花裙  
董嫁服也  
月明啼阿姊

徐想姊董阿燈暗會良人也識君夫婿  
金魚掛在

身董改從武將有金魚

其二

銅鏡立青鸞。燕脂拂紫綿。董卿今腮花弄暗粉。眼尾泪侵寒。碧玉破不復。瑤琴重撥絃。今日非昔日。何人敢正看。

其三

洞房思不禁。蜂子作花心。董猶所謂春心動也女暖殘香炷。

髮冷青蟲簪。夜遙燈焰短。睡熟小屏深。好作鴛鴦

夢。南城罷擣砧。徐罷擣砧則不驚夢矣六句一意俱是夜睡董罷砧莫其罷也即莫

教枝上啼意

其四

尋常輕宋玉。董此今日嫁文鴛。董比改從之夫文鴛是一臆將非

三國則六朝時人戟幹橫龍篋。刀環倚桂窻。董二句形容武飾邀

人裁半袖。端坐據胡牀。董二句言不相憐之狀淚濕紅輪重。

徐後花游曲云烟濕愁車重則此紅輪當是車輪耶別淚能重車淚之多可知矣董紅輪豈即半袖

耶不應。栖鳥立井梁。徐栖鳥日暮時耶

昌谷讀書示巴童

蟲響燈光薄。董愁宵寒藥氣濃。董病君憐垂翅客。

辛苦尚相從

巴童答

巨鼻董巴空山偃龐肩董謂入苦吟非君唱樂府

誰識怨秋深董言忘其愁也

代崔家送客

行蓋柳烟下馬蹄白翩翩恐隨送處盡何忍重揚

鞭

出城出城出帝城而歸鄉也

雪下桂花稀啼鳥被彈歸關水乘驢影秦風帽帶

垂入鄉徐入帝鄉也試萬里董試萬里經萬里不慣故云試徐萬里駿

足無印自堪悲徐用無印即蘇季子始不利而歸也卿卿忍相問董

不忍也不鏡中雙淚姿徐尾二句預一其閨人憐言而淚也

勞問終不能忍其淚也

莫種樹

園中莫種樹種樹四時愁獨睡南牀月今秋偕去

秋

將發

東牀卷席罷護落將行去秋白遙遙空日滿門前路

追賦畫江潭苑四首

吳苑曉蒼蒼宮衣水濺黃小鬟紅粉薄騎長珮珠

長路指臺城迥羅薰袴褶香行雲霑翠輦今日似

粟王

其二

寶袜菊衣單徐婦勝衣也 蕉花蜜露寒徐申言袜色黃或只

是點 水光蘭澤葉徐此句似比人之芳澤 重帶徐雙帶也 剪刀錢

徐刀即錢也帶上教也或以蘭葉為重帶而剪刀錢其上即他詩竹葉剪花裙之類賀往往有此等語

角暖盤弓易靴長上馬難淚痕霑寢帳勻粉照

金鞍

其三

剪翅小鷹斜緝根玉鏃花鞞垂糝鈿粟徐垂非垂下之義與

箭箠釘文牙鬻鬻啼深竹鳩鵲老濕沙官官



燒蠟火飛燼汚鉛華

其四

十騎簇芙蓉宮衣小隊紅練香徐即宮人衣香燠宋鵲徐

獵犬尋箭踏盧龍徐宮殿名董獵犬須藥燠乃提非衣香也練對尋即煉藥也尋箭獸

帶箭而走即逐獸也旗濕金鈴重霜乾玉銙空今朝畫眉早

不待景陽鐘徐因侍吹故早起齊武帝以內深隱不聞端門鼓漏聲置鐘於景陽樓應

五鼓及三鼓宮人聞鐘聲早起粧飾

潞州張大宅病酒遇江

秋至昭關後當知趙國寒繫書隨短羽寫恨破長

戕病客眠清曉疎桐墜綠鮮城鷓啼粉堞軍吹壓

蘆烟岸幘寒沙幌枯塘臥折蓮木牕銀跡徐木

跡裏銀以飾牕耶然篇中無石磴水痕錢旅酒侵

後語似迷窮居蓋指蠅跡愁歸離歌繞懦絃詩封兩條淚露折一枝蘭莎老

沙雞泣松乾瓦獸殘覺騎燕地馬夢載楚溪船椒

桂傾長席鱸魴斫玳筵豈能忘舊路江島滯佳年

難忘曲徐見有美如此故難忘也

夾道開洞門，弱楊低畫戟。簾影竹華起，簫聲吹日色。  
蜂語繞粧鏡，拂蛾學春碧。園州也亂繫丁香梢，滿欄花向夕。

賈公問貴壻曲

朝衣不須長，分花對袍縫。嬰嬰白馬來，滿腦黃金

重。今朝香氣苦，珊瑚澁難枕。且要弄風人，徐弄風即吟弄

風月意也暖精沙。上飲燕語踏簾鈎，日虹屏中碧。徐日虹是

真指日氣如虹，耶柳屏中缺。螺之乞耶園潘令在屏中，中字宜依韻。當入聲，危射屏事耶。

河陽無人死芳色

徐結似言韓壽雖美然未若潘岳故無人為之死董死芳色即

憔悴潘郎之謂徐解未得

夜飲朝眠曲

觴酣出座東方高，腰橫半解星勞勞。

徐解帶而睡

柳花

鷓啼公主醉，薄露壓花蕙蘭氣。玉轉

徐鹿

濕絲牽

曉水

董露

熱粉生香琅玕紫

董琅玕紫醉色也

夜飲朝眠

斷無事，楚羅之幃臥皇子。

董皇子當即公主耶

王濬墓下作

篇中但言朝眠而夜飲自見

徐不若題一句自見

人間無阿童。猶唱水中龍。

徐古樂府阿童復阿童只畏水中龍此晉時童

謠也晉王聞之以王游為

龍驤將軍伐吳以應此讖白艸侵烟死。秋藜遶地

紅古書也。

徐碑平黑石。

董狀碑神劔。

徐掛墓斷青銅。

董狀

耕勢魚鱗起。墳科馬鬣封。菊花垂濕露。棘逕

臥乾蓬。松栢愁香澁。南原幾夜風。

徐此首亦有香澁即前首香氣

苦香苦即香澁故難枕珊瑚而睡故早起而游春驕縱之態描寫無剩

### 客遊

悲滿千里心。日暖南山石。不謁承明廬。老作平原

客。四時別家廟。三年去鄉國。旅歌屢彈鋏。歸問時

裂帛。

徐裂帛以作書耶歸問之問即書

### 崇義里滯雨

落莫誰家子。來感長安秋。壯年抱羈恨。夢泣生白

頭。瘦馬秣敗州。雨洙飄寒溝。南宮古簾暗。濕景傳

籤籌。家山遠千里。雲脚天東頭。憂眠枕劔匣。客帳

夢封侯。

### 馮小憐

灣頭見小憐。請上琵琶絃。破得東風恨。今朝直幾錢。裙垂竹葉帶。髻濕杏花烟。玉冷紅絲重。徐當陳兵入時小憐出諸井。故曰玉冷絲重。卽夜飲朝眠曲中。玉轉濕絲牽曉水意也。然此所云王以比小憐。齊宮妾駕鞍。

贈陳商

長安有男兒。二十心已朽。楞伽堆案前。楚辭繫肘後。人生有窮拙。日暮聊飲酒。祇今道已塞。何必須白首。淒淒陳述聖。徐豈商之字耶披褐鉏俎豆。學為堯舜

文時人責衰偶

徐責以衰世之排偶耶董衰偶卽寡偶徐兩解俱強

柴門車

轍凍

董凍字狀車轍之希

日下榆影瘦

董少錢耶

黃昏訪我來。苦

節青陽

徐陳商太執苦節於春華時亦成篇也

太華五千仞。劈地

抽森秀。旁古無寸尋

徐旁古或是旁石抑是勞苦董旁古當是從古言一出便

高不從寸尋起。耶足上劈地字

一上戛牛斗。公卿縱不言。寧能鑿

吾口。李生師太華

董猶言丈人吾師也卽仰高山之意徐以太華二句興起下二

句。大坐看白書。逢霜作樸檉。得氣為春柳。

徐逢霜二句是

禮節相去之甚董逢霜二句。節言用之則龍不用則鼠也。

禮節乃相去

董對陳故言相

此一句不承上二句另  
 言去禮節而任顛顛也  
 顛顛如芻狗風雪直齋壇  
 董自序奉  
 禮之卑  
 墨組貫銅綬臣妾氣態間唯欲承箕箒  
 天眼何時開古劍庸一吼  
 徐內哀偶是時人責其  
 衰與偶猶言論長短利  
 鈍也不文逢霜句是衰得氣句是偶太華之山乃  
 物之殊賦則然耳有何定準而時人苦責之耶此  
 是質師大  
 華意也

### 釣魚詩

秋水釣紅蕖仙人待素書

徐待魚寄書故句之地

菱絲紫獨

繭菘米蟄雙魚斜竹垂青沼長輪貫碧虛  
 春

蜥蜴鈎墜小蟾蜍

徐取初月以比鈎

詹子情無限

徐詹子出列子

龍陽恨有餘

徐龍陽出戰國策

為看烟浦上楚女淚沾裾

徐豈亦有感書寄魚腹耶

### 奉和二兄罷使遣馬歸延州

空留三尺劔不用一丸泥馬向沙場去人歸故國

來

徐以一丸泥比二兄可當長城意而人莫之用故歸也

瀝春灰錦帶休驚鴈羅衣向鬪雞

董二句戒其蚤歸而兄弟為樂

也還吳已渺渺入郢莫淒淒自是桃李樹何畏不

成蹊

答贈

本是張公子。曾名萼綠華。沉香燼小像。楊柳伴啼鴉。  
此句狀其風度 露重金泥冷。杯闌玉樹斜。  
孫卽玉山意 堂沾酒客。新買後園花。

題趙生壁

大婦然竹根。中婦春玉屑。冬發拾松枝。日烟生蒙滅。  
木蘚青桐老。石泉水聲發。曝背飲東亭。挑花湯

骨

感春

日暖自蕭條。花悲北郭騷。

徐悲北郭之騷客耶柳花自蕭騷耶

榆穿

菜子眼

徐老菜子菜子眼一作菜子服

柳斷舞兒腰。上幕迎神燕。

飛絲送百勞。胡琴今日恨。急語向檀槽。

仙人

彈琴石壁上。翻翻一仙人。手執白鸞尾。夜掃南山雲。鹿飲寒澗下。魚歸清海濱。當時漢武帝。書報桃

花春

河陽歌

徐誦之似好惜多不解

染羅衣秋藍難著董讀

色不是無心人為作臺印

客

董亦是臨印耶

花燒中潭城

徐潭音但江東呼水中之沙處日潭

顏郎董

淵

身已老惜許兩少年

董指上馬顏二子耶

抽心似春艸今

日見銀牌今夜鳴玉燕牛頭高一尺

徐當是酒卮董牛頭卽犢

鼻耶

隔坐應相見月從東方來酒從東方轉航船餓

口紅密炬千枝爛

徐因千枝故言密董結二句承上二句一言酒一言月

花遊曲

弁序

寒食日諸王妓遊賀入座因採梁簡文詩

調賦花遊曲與妓彈唱

春柳南陌態冷花寒露姿今朝醉城外佛鏡濃掃

香烟濕愁車重紅油覆畫衣

徐紅油疑油幕耶卽後詩畫幕

舞裙

香不暖酒色上來遲

春畫

朱城報春更漏轉光風催蘭吹小殿艸細堪梳柳

長如練卷衣秦帝掃粉趙燕日合畫幕蜂上羅薦  
平陽花塢河陽花縣越婦楮機吳蠶作繭菱汀繫  
帶荷塘倚扇江南有情塞北無限

安樂宮

深井桐鳥起尚復牽情水未盥邵陵瓜瓠中弄長

翠新城安樂宮宮如鳳凰翅歌迴蠟板鳴

徐蠟板以蠟研

光拍板也

左信提壺使綠繁悲水曲茱萸別秋子

蝴蝶飛

楊花撲帳春雲熱龜甲屏風醉眼纈東家蝴蝶西

家飛

徐此也

白騎少年今日歸

梁公子

徐必能書者

風彩出蕭家本是菖蒲花

徐言其希有董梁武帝母張后方孕忽見庭前

菖蒲花因取

南塘蓮子熟洗

徐刷也

馬走江涯御牋

銀洙

徐洙一作沫

冷長簾鳳窠斜

徐窠者字斗也古有房窠大書然後有咏

蘭香神女廟有圍髻分珠窠之句況更有長草詔則鳳窠還是髮為枕髮而眠

種柳營中

暗題書賜館娃



牡丹種曲

蓮枝未長秦蘅老似秦蘅何義走馬馱金斲春艸

塗於春艸叢中掘牡丹也水灌香泥却月盆一夜綠房迎白曉

蓮一夜句美人醉語園中烟晚華已散蝶又闌柔

玉老去羅衣在拂袖風吹蜀國絃歸霞帔拖蜀帳

昏媿紅落粉罷承恩檀郎謝女眠何處樓庭月明

燕夜語

後園鑿井

徐曰井而天曉然後汲井後二句不欲日沒也

井上轆轤牀上轉水聲繁絃聲淺情若何荀奉清

徐荀奉倩名燦娶曹洪女有美色曹死荀不哭而神哀或勸之荀曰佳人難再得未幾荀亦死城

頭日長向城頭住一日作千年不須流下去

開愁歌率下

秋風吹地百艸乾華容碧影生曉寒我當二十不

得意一心愁謝如枯蘭衣如飛鶉馬如狗臨岐繫

劍生銅吼旗亭下馬解秋衣請貰宜陽一壺酒壺

中喚天雲不開董壺中即酒中換一字即奇白晝萬里閒淒迷

主人勸我養心骨。莫受俗物相填狹。

秦宮詩 并序

漢人秦宮將軍梁冀之嬖奴也。秦宮得寵  
內舍故以驕名。大譟於人。予撫舊而作長  
辭。以為子都之事。相為對望。又云昔有之

詩

越羅衫袂迎春風。玉刻麒麟腰帶紅。樓頭曲宴仙  
人語。帳底吹笙香霧濃。人間酒暖春茫茫。花枝入

畫為秦宮  
之醜隱而  
不俗所以  
為絕構

廉白日長。飛牕復道傳籌飲。十夜銅盤膩燭黃。禿

衿小袖調鸚鵡。紫繡麻霞踏哮虎。董言其險二斫

桂燒金待晚筵。白鹿清酥夜半煮。桐英永巷騎新

馬。內屋深屏生色畫。董畫屏亦生色開門爛用水衡錢。董

錢接開門字狀內舍欲。卷起黃河向身瀉。徐即形

皇天厄運猶曾裂。秦宮一生花裏活。董二句言鸞

篋奪得不還人。醉睡氍毹滿堂月。

古鄴城童子謠效王粲刺曹操

鄴城中暮塵起探黑丸董彈斫文吏棘爲鞭虎爲

馬團團走鄴城下切玉劔射日弓獻何人奉相公

董刺之不中而反獻耶扶轂來關右見香掃塗相公歸

### 楊生青花紫石硯歌

端州石工巧如神踏天磨刀割紫雲備剗抱水含

滿唇暗灑長弘冷血痕紗帷晝暖墨花春輕漚漂

沫松麝薰乾賦薄重立腳勻董不乾不膩不薄不重故曰勻數寸

光秋無日昏圓毫促點聲靜新孔硯寬頑何足云

### 房中思

新桂如蛾眉秋風吹小綠董承行輪出門去玉鸞

聲斷續月軒下風露曉庭自幽澁誰能事貞素臥

聽莎雞泣

### 石城曉

月落大堤上女垣棲鳥起細露濕團紅寒香解夜

醉女牛渡天河柳烟滿城曲上客留斷纓殘蛾鬪

雙綠春帳依微蟬翼羅橫茵突金隱体花帳前輕

絮鶴毛起

董此鶴毛狀楊花鶴當作鴨

欲說春心無所似

徐難形容

### 苦晝短

飛光飛光

徐日

勸爾一杯酒吾不識青天高黃地

厚唯見月寒日煖來煎人壽食熊則肥食蛙則瘦

董熊蛙喻人富貴貧賤

神君何在太一安有天東有若木下

置銜燭龍吾將斬龍足嚼龍肉使之朝不得回夜

不得伏自然老者不死少者不哭何為餌

一作黃

金吞白玉誰似任公子雲中騎白驢劉徹茂陵客

### 滯骨羸政梓棺費鮑魚

章和二年中

董當是田峻致喜豐年之詞

雲蕭索風拂拂麥芒如簪黍如粟關中父老百領

襦關東吏人乏詬租健犢春耕土膏黑蒼蒲叢叢

浴水脈殷勤為我下田租百錢攜償絲桐客遊春

漫光塢花白野林散香神降席

董蟄祭也

拜神得壽獻

天子七星貫斷姮娥死

徐七星如珠故日貫七星貫斷嫦娥死壽當幾何耶

### 春歸昌谷

束髮方讀書謀身苦不早終軍未乘傳顏子鬢先

老天網信崇大矯士常騷騷徐高飛也逸目駢甘華籜

心如茶蓼早雲二三月岑岫相顛倒徐似雲而誰

揭頰玉盤徐日也東方發紅照春熱張鶴蓋兔目官

槐小徐槐始生思焦徐勞面如病嘗膽腸似絞京國

心爛漫夜夢歸家少徐以爛漫京華故不思發軔

東門外徐此正天地皆浩浩青樹驪山頭花風滿

秦道宮臺光錯落寒盡徧峯嶠細綠及團紅徐當

路雜啼笑香風徐花下高廣鞍馬正華耀獨乘雞樓

車徐困也自覺少風調心曲語形影祇身焉足樂豈

能脫負擔刻鶴曾無兆幽幽太華側老栢如建纛

龍皮徐老栢董悲已相拚戛翠羽更蕩掉驅趨委

憔悴眺覽強笑貌花蔓閔行輶徐細烟暝深微少

健無所就入門愧家老聽講依大樹觀書臨曲沼

徐歸家知非出柙虎甘作藏霧豹韓鳥處繪繳湘

之業徐不儵在籠罩狹行無廓落徐得歸壯士徒輕躁

昌谷詩 五月二十七日作

昌谷五月稻細青滿平水董狀稻得水遙巒相壓疊頽

綠愁墮地董狀山中上句光潔無秋思一作涼曠吹浮媚

竹香滿淒寂粉節塗生翠董申上句草髮垂恨髻光露

泣幽淚董申上句上竹香四句遙對層圍爛洞曲芳徑老紅醉

董二句再申上四句攢蟲鏤古柳蟬子鳴高遠大帶委黃葛

紫蒲交狹淡石錢差復藉厚葉皆蟠膩董大帶四句亦遙對

以帶比蒲以錢比葉汰沙好平白立馬印青字董此印字與杜下部大印

帶官字不同此只狀立馬之跡也悅鱗白遨遊瘦鵠暝單跣

濕姑董濕姑是鳥耶聲咽飲源源驚濺起紆緩玉真路近武后巡

路幸神娥蕙花裏苔絮縈澗礫山實垂頰紫小栢儼

重扇董葉狀肥松突丹髓董狀脂鳴流走響韻隴秋拖

光穉董光穉稻也鶯唱閔女歌瀑懸楚練帔風露滿笑

眼駢巖雜舒墜亂條迸石嶺細頸喧鳥悲董細頸亦鶴類

也日脚掃昏翳新雲啓華閔謚謚厭夏光商風道

清氣高眠復玉容董復想其復見也燒桂祀天几谷與女山嶺阪

相承遺山几即蘭香霧衣夜披拂董仙眠壇夢真

粹待駕棲鸞老故宮椒壁圯福昌宮鴻龍數鈴響

羈臣發涼思董涼思陰藤束朱鍵董門龍帳著魘

魅碧錦帖花檉香衾事殘貴董殘貴猶歌塵蠹木

在舞綵長雲似董繞梁故曰蠹木停雲故曰珍壤

割綉段董狀里俗祖風義董美隣凶不相杵董中

疫病無邪祀鮎文董老識仁惠董少知醜恥縣省

司刑官戶乏詬祖吏竹藪添墮簡董可石磯引鈎

餌董可溪灣轉水帶芭蕉傾蜀紙董芭蕉岑光晃

縠襟孤景拂繁事泉樽陶宰酒月眉謝郎妓丁丁

幽鍾遠矯矯單飛至霞巘殷巖峩危溜聲爭次淡

蛾董流乎碧薄月眇陰悴涼光入澗岸廓盡山中

意漁童下宵網霜禽竦烟翅潭鏡滑蛟涎浮珠噉

魚戲風桐瑤匣瑟螢星錦城使董此則柳綴長縹

帶篁掉短笛吹石根綠綠蘚蘆筍抽丹漬漂旋弄

天影古檜拏雲臂愁月微帳紅罨雲香蔓刺芒麥

平百井閒乘列千尋刺促成幾人好學鴟夷子孫

蘇董鴟夷還  
取五湖事耶

### 銅駝悲

落魄三月罷尋花去東家誰作送春曲洛岸悲銅駝  
橋南多馬客北山饒古人客飲杯中酒駝悲千  
萬春生世莫徒勞風吹盤上燭厭見桃株笑銅駝  
夜來哭

### 自昌谷到洛後門

九月大野白蒼岑竦秋門寒涼十月末雪霰濛濛  
昏澹色結晝天心事填空雲道上千里風野竹蛇

涎痕石澗凍波聲雞叫清寒晨強行到東舍解馬  
投舊鄰東家名廖者鄉曲傳姓辛杖頭非飲酒吾  
請造其人始欲南去楚又將西適秦襄王與武帝  
各自留青春聞道蘭臺上宋玉無歸魂縉縹兩行  
字蟄蟲蠹秋芸為採秦臺意豈命余負薪

### 七月一日曉入太行山



一夕遶山秋香露溢蒙築新橋倚雲阪候蟲新露  
樸洛南今已遠越余誰爲熟石氣何淒淒老莎如  
短鏃

秋涼詩寄正字十二兄

閉門感秋風幽姿任契濶大野生素空天地曠肅

殺

董如此理復不淺

光露泣殘蕙蟲響連夜發房寒寸輝

薄翅風絳紗折披書古芸馥恨唱華容歎百日不

相知花光變涼節弟兄誰念慮賤翰旣通達青袍

度白馬艸簡奏東闕夢中相聚笑覺見半牀月長

思劇尋環亂憂抵覃葛

唐李長吉詩集卷之三

終

李長吉詩集卷之四

文巨徐渭

明會稽

揆仲董懋策

批注

艾如張

艾音又徐文如張即艾而張艾者  
芟除艸木而張羅也知而通用

錦○襜○褕○繡○褶○襦○強○飲○啄○哺○爾○雛○隴○東○臥○穉○滿○風○雨○

莫○信○良○媒○隴○西○去○齊○人○織○網○如○素○空○張○在○野○山○平○

碧○中○網○絲○漠○漠○無○形○影○誤○爾○觸○之○傷○首○紅○艾○葉○綠○

花○誰○剪○刻○

徐綠花當是綠花董古樂府蘇子卿艾  
如張曲張機逢艾側結網權籬邊則題

艾又作中藏禍機不可測

上雲樂徐八月一日必是金鏡節也

飛香走紅滿天春花龍盤盤上紫雲三千宮女列  
金屋五十絃瑟海上聞天江碎碎銀沙路羸女機  
中斷烟素纜舞衣八月一日君前舞

摩多樓子徐卽出塞曲

玉塞去金人徐金人卽休屠祭天之金人二萬四千里風吹沙  
作雲一時渡遠水天白水如練甲絲雙串斷行行

莫苦辛城月猶殘半曉氣朔煙上遼起胡馬啼行  
人臨水別隴水長東西

猛虎行四言董玩篇中似卽苛政猛於虎之意

長戈莫春強弩莫揮乳孫哺子教得生獐舉頭爲

城掉尾爲旌東海黃公愁見夜行徐黃公是善呪虎者年老而呪

鈍往爲道逢騶虞童騶虞獸而如人牛哀不平徐牛哀本是人忽化

爲虎董牛哀何用尺刀壁上雷鳴徐言舍雷鳴之刀而不用以殺

虎也泰山之下婦人哭聲官家有程吏不敢聽徐以官促

人夜役而  
爲虎所傷

日出行

徐與前篇苦晝短之意同莊子有風日守河之說第五六用此意耶抑泛

白日下崑崙發光如舒絲徒照葵藿心不照遊子

悲折折黃河曲日從中央轉陽谷耳曾聞若木眼

不見奈爾鑠石胡爲銷人羿彎弓屬矢那不中足

令人不見奔詎教晨光夕昏

徐后羿若中此日之是則日不能奔安復

有早暮催人之流年耶

苦篁調嘯引

徐古樂不作諷淫哇

謂說軒轅在時事伶倫採竹二十四伶倫採之自

崑丘軒轅詔遣中分作十二伶倫以之正音律軒

轅以之調元氣當時黃帝上天時二十三管咸相

隨唯留一管人間吹無德不能得此管此管沉埋

虞舜祠

拂舞歌詞

徐拂舞鳩辭鳩者老人杖首飾取不噎也大抵是饗老祝壽樂舞之詞故用

龜蛇

吳娥聲絕天空雲閒徘徊門外滿車馬亦須生綠

苔徐生綠苔卽羅雀意樽有烏程酒勸君千萬壽

全勝漢武錦樓上曉望晴寒飲花露董承露東方

日不破徐此下皆天光無老時丹成作蛇乘白霧

千年重化玉井主從蛇作上二千載吳堤綠艸年

年在背有八卦稱神仙邪鱗頑甲滑腥涎徐結一

腥三字似亦諷徒壽而不德之意猶言總使得壽亦非正氣卽秦漢求仙之例似言蛇化作土土

又化作龜古樂府有龜雖壽篇及拂舞詞並是傳玄作中有神龜雖壽猶有竟時騰蛇乘霧終爲土

灰之句此篇似衍其句也

### 夜坐吟

踏踏馬蹄誰見過眼看北斗直天河西風羅幕生

翠波鉛華笑妾顰青蛾董不笑爲君起唱長相思

簾外嚴霜皆倒飛徐此一句卽天若有情天也老之意明星爛爛東

方陲紅霞稍出東南涯陸郎去矣乘斑驢徐古樂

童曲有陳孔驕白赭陸郎乘斑驢陸郎陸賈也賈存南中倡家留之故有此詞改笑爲顰正以夜

易曉而陸郎遽別也夜坐候客來既遲去復早亦寓士難遇易棄意

筌篥引又曰公無渡河

公平公平提壺將烏如屈平沉湘不足慕徐衍入  
海誠為愚公平公平牀有管席盤有魚北里有賢  
兄東隣有小姑隴畝油油黍與葫瓦甌濁膠蟻浮  
浮黍可食膠可飲公平公平其奈君被髮奔流竟  
何如賢兄小姑哭嗚嗚

徐諷味幾  
亂邦不入

巫山高

徐亦有諷意豈  
謂三郎玉環耶

碧叢叢高插天大江翻瀾神曳烟楚竟尋夢風颺  
然撓風飛雨生苔錢瑤姬一去一千年

徐雨多故  
淫也瑤姬

安在而楚襄尋  
夢指馬嵬事耶

丁香筍竹啼老猿古祠

徐神  
女祠

近月

瞻桂寒椒花墜紅濕雲間

徐亦多雨○蜀  
夔之椒甲天下

平城下

饑寒平城下夜夜守明月別劍無玉花海風斷髻  
髮塞長連白空遙見漢旗紅青帳吹短笛烟霧濕  
畫龍日晚在城上依稀望城下風吹枯蓬起城中  
嘶瘦馬借問築城吏去關幾千里惟愁裹屍歸不  
借倒戈死

江南弄

徐雕

江中綠霧起涼波。天上疊巘紅差。我水風浦雲生。

老竹徐風雲因清暝蒲帆如一幅徐因暝故鱸魚

千頭酒百斛。酒中倒臥南山綠。徐影入吳歛越吟

未終曲。江上團團帽寒玉。徐月

榮華樂

一作東洛梁家。謠徐當是男。嬖如鄒董之儔。既云梁家。則是梁家之子弟。

矣非男

嬖矣

寫肩公子二十餘。齒編貝。脣繳朱。氣如虹。蜺飲如

建。死走馬。夜歸叫嚴更。徑穿複道遊椒房。龍裘金

玦。雜花光玉堂。調笑金樓子。臺下戲學那鄴。倡口

吟。舌話稱女郎。董承錦袂綉面。漢帝勿得明珠十

斛。白璧一雙。新詔垂金曳紫光。煌煌馬如飛。人如

水。九卿六官皆望履。將迴日月先反掌。欲作江河

唯畫地。我我虎冠上。切雲竦劍晨趨凌。紫氛繡段

千尋。貽皂隸黃金百鎰。賂家臣十二門前張大宅

晴春烟起連天碧。金鋪綴日雜紅光。銅龍齧環似

爭力瑤姬凝醉臥芳席海素徐鮫籠牕空下隔丹

穴取鳳充行庖獲獲如拳那足食董熊金蟾呀呀徐樂

蘭燭香軍襄武妓聲琅璫誰知花雨夜來過徐樂

但見池臺春艸長嘈嘈絃吹匝天開洪崖簫聲

遠天來天長一矢貫雙虎徐酒中雲肥絕騁聒阜

雷董早雷隱徐亂袖交竿管兒舞吳音綠鳥學言語

能教刻石平紫金徐或小名董刻石立碑而以金平之解送刻毛寄

新兔董新兔筆也即碑中文字之意三皇皇后七貴人五十校尉

二將軍當時飛去逐彩雲化作今日京華春

相勸酒徐西亦存諷耶徐西亦存諷耶

義和騁六轡晝夕不曾閒彈烏崦嵒竹徐西山扶

馬蟠桃徐東海出所暮收既斷翠柳青帝又造紅蘭

堯舜至今萬萬歲數子徐數子義和將為領蓋間

青錢白壁買無端徐光陰難買丈夫快意方為歡臙臙

驩熊何足云會須鍾飲北海箕踞南山歌淫淫管

情憤傾波好送雕題金徐眼媚而送曲故賞之以南金耶人生得



意且如此何用強知元化心相勸酒終無輟伏願

陛下鴻名終不歇徐如前沉酒安于孫綿如石上

葛來長安車駢中有梁冀舊宅石崇故園徐其樂安在故

日諷

瑤華樂徐似亦諷求仙

穆天子走龍媒八轡冬瓏逐天迴五精徐即掃地

凝雲開高門左右日月環四方霜鏤稜層殷舞震

垂尾長盤珊江澄海淨神母顏徐即金母施紅點翠照

泉曳雲拖玉徐衣下崑山列旒如松張蓋如幹

金風殿徐音秋清明發春八鑿十乘蠹如雲屯瓊

鍾瑤席甘露文玄霜絳雪何足云薰梅染柳將贈

君鉛華之水洗若骨與君相對作真質

北中寒

一加黑照三方紫黃河水合魚龍死三尺水皮斷

文理徐水裂百石強車上河水霜花艸上如如錢揮

刀不入迷濛天徐霜亦爭潛海水飛凌喧山瀑無

聲玉虹懸徐瀑亦水

梁臺古愁

梁王臺沼空中立

徐高也

天河之水夜飛入臺前關

玉作蛟龍綠粉

徐竹也

掃天愁露濕

徐梁園多竹見枚賦

撞鐘

飲酒行射天

徐梁王不道

金虎威裘噴血班朝朝暮暮

愁海翻長繩繫日樂當年芙蓉凝紅得秋色蘭臉

別春啼脈脈

徐敗而姬妾別以死也

蘆洲客鴈

徐猶賓鴈

報春來

寥落野漣秋漫白

徐二句言方春而忽秋也宮殿墟矣

公無出門

徐即小招四方上下俱不可往故日公無出門蓋甚有意於棄世違

俗罷于敬進也

天迷迷地密密熊虺食人竟雪霜斷人骨喉大噎

暗相索索舐掌偏宜佩蘭客

徐屈原

帝遣乘軒災自

滅

徐此句言一死則災自滅矣是天厚之故全其死也下文引顏鮑以實天之厚乘軒死而上升

也玉星點劔黃金軛我雖跨馬不得還歷陽湖波

大如山毒虬相視振金環

徐意將街齧

狡狴獫狫吐嚙

涎鮑焦一世披艸眠顏回廿九髻毛斑顏回非血

衰鮑焦不違天天畏遭嚼齧所以致之然分明猶

懼公不信公看呵壁書問天徐按楚詞序天問但以何為詰而問之非

呵而問之也此云呵壁又狀其憤而咄咄之意

神絃曲

徐以下三首並是寫秦俗尚巫

西山日沒東山昏旋電去聲風吹馬馬踏雲畫絃素

管聲淺繁花裙綵縹步秋塵徐女桂葉刷風桂墜

子青狸哭血寒狐死古壁彩虬金帖尾徐神祠壁之畫雨

工騎入秋潭水百年老鴉成木魅笑聲碧火巢中

起董笑郎鬼嘯

神絃

女巫澆酒雲滿空玉爐炭火香瑟瑟海神山鬼來

座中紙錢窸窣鳴颼風相思木帖金舞鸞徐相恩

帖以金鸞當是絃器之餘攢蛾一噫重一彈呼星召鬼歆杯盤

山魅食時人森寒終南日色武平澗神今長在有

無間神嗔神喜師更顏董師能見神故於其送神

萬騎還青山董雜之楚詞何以辨非屈宋

神絃別曲

巫山小女隔雲別春風松花山上發綠蓋獨穿香

逕歸白馬花竿前子子蜀江風澹水如羅墮蘭誰

泛相經過徐誰一本作雜南山桂樹為君死雲衫淺汚紅

脂花董承言桂徐桂樹為女巫死無情亦有情意也

綠水詞

今宵好風月阿侯在何處為有領人色翻成足愁

苦東湖採蓮葉南湖拔蒲根徐採蓮拔蒲足想見阿侯所為之事足也

未持寄小姑徐謂阿侯之小姑未持句欲其先寄已也且持感秋

徐感秋竟當作解愁竟持猶言將也末句欲得其寄也感竟語更苦即月愁苦意古樂府河中之水

歌云洛陽女兒名莫愁云云十六生兒似阿侯則莫愁之前又有所謂阿侯者亦美婦也見即女也

河中之水歌梁武帝所作則阿侯非梁之先必同時矣董蓮則刺葉蒲則餘根顏色零落故感秋而

竟動以寄小姑見領人之色足愁苦也小姑疑即指阿侯豈姊妹相憶語耶

沙路曲

柳臉半眠丞相樹徐當時盛時諸賢相珮馬釘鈴踏沙路斷

燼遺香裊翠烟燭騎啼鳴上天去徐丞相騎至啼鳥驚飛董啼鳥

早時也上 帝家玉龍開九關帝前動笏移南山徐  
天朝天也 獨垂重帟押千官金窠篆宇紅屈盤沙路歸南  
山北也 君也 來聞好語旱火不光天下雨

### 上之回

上之回 徐借回字當歸字蓋指克復兩京 大旗喜  
事耶與武帝之四中之回字不同

懸紅雲撻鳳尾劔匣破 董出匣 舞蛟龍蚩尤死鼓

逢逢天齊慶雷齊墮地地無驚 煙海千里 董無驚

旬煙即 烽火也

### 高軒過

董韓員外愈皇甫侍 御湜見過因而命作

華裾織翠青如蔥 金環壓轡搖玲瓏 馬蹄隱耳聲

隆隆入門下馬氣如虹 云是東京才子文章鉅公

二十八宿羅心胸 元精耿耿貫當中 殿前作賦聲

摩空筆補造化天無功 麗眉書客感秋蓬 誰知死

艸生華風 徐麗眉書客老而窮者也此二句言枯

定以喻已今雖垂翅 他日當必附冀意 我今垂翅附冥鴻 他日不羞

蛇作龍 徐即無忝意董麗眉李自謂也李年雖少

之吹嘘我今  
句幸竊附也

貝宮夫人徐海神

丁丁海女弄金環。雀釵翹揭雙翅關。六宮不語二

生閒。徐泥高懸銀榜照青山。長眉凝綠幾千年。清

涼堪老鏡中鸞。秋肌稍覺玉衣寒。空光帖妥水如

天。

蘭香神女廟三月 中作

古春年年在閒綠。搖暖雲松香飛晚華。柳渚含日

昏沙砲。徐礫落紅滿石泉。生水芹幽篁。畫新粉鏡

徐遠山綠橫曉門弱蕙不勝露。山秀愁空春舞珮

剪鸞翼。帳帶塗輕銀。蘭桂吹濃香。菱藕長芊芊。看

雨逢瑤姬。徐巫乘船值江君。重湘吹簫飲酒醉結

綬金絲裙。走天呵白鹿。遊水鞭錦鱗。密髮虛鬟飛

膩頰。凝花勻團髻。分珠窠穠眉。籠小脣弄蝶和輕

妍風光怯腰身。深闈金鴨冷。奩鏡幽鳳塵。踏霧乘

風歸撼玉山上門。徐言玉

遊走天梭  
看用遊水  
接乘船

送韋仁實兄弟入關

送客飲別酒，千觴無赭顏。何物最傷心，馬首鳴金  
鑲野色。浩無主，秋明空曠間。坐來壯膽破，斷目不  
能看。行槐引西道，青梢長攢攢。韋郎好兄弟，疊玉  
生文翰。我在山上舍，一畝蒿硯田。夜雨叫租吏，春  
聲暗交關。誰解念勞勞，蒼突唯南山。

洛陽城外別皇甫湜

洛陽吹別風，龍門起斷烟。冬樹束生澁，董濕薪晚  
多烟

紫凝華天，單身野霜上。疲馬飛蓬間，凭軒一雙淚。  
奉墜綠衣前。

溪晚涼

白狐向月號，山風秋寒掃雲。徐郎上所留碧空玉

煙青濕白如幢，銀灣曉轉流天東。溪汀眠鷺夢，征  
鴻徐無情輕連不語細游溶。徐游溶一作溶溶層岫迴岑

復疊龍徐山形苦篔對谷吟歌簡。

官不來題皇甫湜先輩廳

徐玉烟銀  
等並杜  
却肯是好

官不來官庭秋老桐錯幹青龍愁董書司曹佐

走如牛疊聲問佐官來否官不來門幽幽

長平箭頭歌

徐朱砂有箭鏃砂砂即沙也

漆灰骨未丹水沙董此句狀銅花有黑漆朱砂之類淒淒古血生

銅花白翎金斨雨中盡直餘三春殘狼牙我尋平

原乘兩馬董尋其墓驛東石田蒿塢下風長日短星蕭

蕭黑旗雲濕懸空夜董懸空夜因雲而成夜左覓右覓啼肌

瘦略瓶倒盡將羊炙蟲棲鴈病蘆筍紅董此句言秋深也

之風送客吹陰火訪古洄瀾收斷鏃折鋒赤墜

封肉南陌東城馬上兒勸我將金換簪竹徐依兒重武故

勸其以金換箭幹也

江樓曲

徐此當壚婦憶其夫

樓前流水江陵道鯉魚風起芙蓉老徐見歲時廣記曉釵

催髻語南風抽帆歸來一口功徐髻為秋風所催容華不久故語南

風速其抽帆而歸鼉吟浦口飛梅雨竿頭酒旗換青竿簫

騷浪白雲差池黃粉油衫寄郎上新槽酒聲苦無



加董槽壓酒器南湖一傾菱花白眼前便有千里愁小

玉開屏見山色

塞下曲

胡角引北風。薊門白於水。董天含青海道。董天光如海。城

頭。千里露下旗濛濛。寒金鳴夜刻。蕃甲鏖蛇鱗。

馬嘶青塚白。秋靜見旄頭。沙遠席羈愁。帳北天應

盡。河聲出塞流。董結二句言羈愁

梁絲上春機

玉光汲水桐花井。絲藕沉水如雲影。美人懶態

脂愁。春梭拋擲鳴高樓。絲線結茸背。復疊白袷玉

郎寄桃葉。徐妾為君挑鸞作腰綬。徐玉郎日袷乃

句。又願君處處宜春雪。桃葉所寄也

五粒小松歌并序

前謝秀才杜雲卿命予作五粒小松歌予

以選書多事不治曲辭經十日聊道八句

以當命意

蛇子蛇孫鱗蛇蛇〔董〕新香幾粒洪崖飯綠波浸

葉滿濃光細束龍髯鉸刀剪〔董〕主人壁上鋪州

圖主人堂前多俗儒〔徐〕迷已月明白露秋淚滴石

筍溪雲肯寄書〔董〕恐嫌我俗耶

塘上行

藕花涼露濕花缺藕根澁〔董〕藕粗泥漲飛下雌鴛鴦塘

水聲澹澹〔董〕一本雌作雙便無好意

呂將軍歌

將軍騎赤兔獨攜大膽出秦門金粟〔董〕山堆邊

哭陵樹北方逆氣汗青天劔龍夜叫將軍聞〔徐〕不

將軍振袖揮劔鏢玉闕朱城〔徐〕長有門閣榼榼銀

龜搖白馬〔徐〕唐百官佩魚取鯉字即李姓至武〔董〕傳

粉女郎火旗〔董〕下〔董〕傳粉女郎指屏跡故憤而

恒山鐵騎請金槍〔徐〕自遙聞艤中花箭香〔董〕技

郊寒蓬葉如刺皇天親〔徐〕一作栽養神驥〔徐〕即鹿中

高桁排蹇蹄飽食青芻飲白水圓蒼〔徐〕天低迷蓋

〔徐〕花箭香  
空字什誤  
知好

張地董此句即詩人天夢夢之意九州人事皆如此赤山秀鋌

樂時英董產銅作鋌此句應如刺二句綠眼將軍會天意徐會天意者親

裁逢葉養呂將軍之馬令其除北方逆氣也董刺葉言神驥之辛苦芻水憤蹇蹄之安樂故曰人事

皆如此會天意當是不敢怨之極辭耶徐解未得

### 休洗紅

休洗紅洗多紅色淺董以紅色與已類卿卿騁少年昨日

殷橋見封侯早歸來莫作絃上箭董離不復合古人名箭為忘歸

### 野歌

張翎羽箭山桑弓仰天射落銜蘆鴻麻衣黑肥衝

北風徐黑肥當是指鴈申上句董麻衣不應屬鴈當是葛衣衝風耶黑肥者心不窮耶古云戰

勝而肥衝風故黑也帶酒日晚歌田中男兒屈窮心不窮董

字肥枯榮不等嗔天公寒風又變為春柳條條看即

烟濛濛

### 將進酒

琉璃鍾琥珀濃小槽董酒酒滴真珠紅烹龍炮為

玉脂泣董泣字與釜中泣之立同羅屏繡幕圍香風吹龍笛擊

鼙鼓皓齒歌。細腰舞。況是青春日將暮。桃花亂落。如紅雨。勸君終日酪。酩醉酒不到劉伶墳上土。

美人梳頭歌

西施曉夢綃帳寒。香鬟墮髻半沉檀。轆轤徐曉而汲者

吟啞轉鳴玉。驚起芙蓉睡新足。雙鸞開鏡秋水光。

解鬟臨鏡立象牀。徐髮長也一編香絲雲撒地。玉釵落

處無聲膩。僅無聲而膩亦狀髮濃蓋髮墮立而尚撒地故釵墜無聲也纖手却

盤老鴉色。翠滑寶釵簪不得。春風爛熳惱嬌慵。十

八叢多無氣力。樨成髮髻蔽不斜。雲裾數步踏朱

沙。徐飛其步背人不語向何處。下階自折櫻桃花。徐梳頭竟

折花以插也

月漉漉篇

月漉漉波烟玉。徐漉漉言月之濕也因波烟而濕也玉即月也莎青桂花

繁芙蓉別江木。徐落花粉態袂羅寒。鴈羽鋪烟濕誰

能看石帆乘船鏡中入。秋曰鮮紅死水香蓮子齊

挽菱隔歌袖綠刺。徐菱角冒銀泥。徐銀泥衣畫也蓬

五暈  
羅裙

京城

驅馬出門意牢落長安心兩事徐功名誰向道自作

秋風吟

官街鼓

徐暮鼓晨鐘斷送年華唐詩製官街鼓是某官創之予忘其人矣是巡徼具盜賊

曉聲隆隆催轉日暮聲隆隆呼月出漢城黃柳映  
新簾栢陵飛燕埋香骨逆發千年日長白孝武秦

玉聽不得從徐君翠髮徐少蘆化色徐白面徐

而鼓自無徐獨共南山守中國徐正言徐幾迴天上翠

神仙漏聲相將無斷續徐二句復徐甫前意

許公子鄭姬歌鄭園中請賀作徐許公子當徐是秦人偶入洛而買歡鄭姬

老又當

許史世家外親貴宮中一千端買沉醉銅駝酒熱烘

明膠徐酒徐古堤大柳月中翠桂開客花各鄭袖徐桂

開密花似以鄭尚屬曲入洛聞香鼎門口先將芍

藥獻粧臺後解黃金大如斗莫愁簾中許合歡清

弦五十為君彈彈聲咽春弄君骨骨興牽人馬上

鞍兩馬入蹄踏蘭苑情如合竹董即合符誰能見夜光

玉枕棲鳳凰袷羅當門刺純綫長翻蜀紙卷明君

董豈畫姬而索歌耶轉角合商破碧雲自從小監來東道曲

裏長眉少見人徐曹時以平康里教坊為曲相如墳上生秋栢

三春誰是言晴客徐話此二句似薄許無文下二句似貪蛾鬟醉眼

拜諸宗為謁皇孫請曹植徐諸宗賀自謂也姓李故請曹植請賀詩也應

題日既以鄭比之鄙紳又比之明者又借莫愁之

簾以宿其彈瑟之溢不拘刻此又以昭君之琵琶

言其能

又泛濫

### 新夏歌

曉木千籠真蠟綵徐蠟綵謂如蠟紙所剪耶抑如

紙為幕落蒂枯香數分在陰枝拳牙卷縹帶長風

迴氣扶蔥籠野家麥畦上新壠長畛徘徊桑柘重

刺徐即艸如針香滿地菖蒲艸雨梁燕語悲身老徐夏

三月搖揚入河道天濃地濃柳梳掃徐線身似梳兩梁柳梳三

語並  
妙

題歸夢

長安風雨夜書客夢日見谷怡怡徐兄弟中堂笑小弟

我問蔡家門厚重意欲誰我飽饑腹勞勞一寸心燈

花照魚日徐自謙魚日非明珠故難售何由飽家

經沙苑

野水泛長瀾官牙開小蓓無人柳自春艸渚鴛鴦

暖晴嘶臥沙馬老去悲啼展徐此句申馬前今春還不歸

寒嚶折翅鴈徐困窮也

出城別張又新酌李漢

李子別上國南山崆峒春不聞今夕鼓差慰煎情

人趙壹賦命薄馬卿家業貧鄉書何所報紫蕨生

石雲徐但報此而已長安玉桂園徐玉珠戰國策食玉炊

安富貴之享 戟帶披侯門慘陰地自光寶馬踏曉昏驪

春戲草苑玉輓鳴驪轉綠網縑金鈴霞卷清地澹

開貫瀉蚨母徐即前爛用水衝錢意買冰防夏蠅時宜裂大

被劔客車盤茵小人如死灰心切  
榛皇圖跨四海百姓施長紳光明藹不發腰龜徒斃銀吾將  
課禮樂聲調摩清新欲使十千歲帝道如飛神  
華實自蒼老流來長傾盆沒沒暗齧舌涕血不敢論  
今將下東道祭酒而別秦六郡無勦見長刀誰扶  
塵地理陽無正快馬逐服轅二子美年少調道講  
清渾譏笑斷冬夜家庭竦蓀穿曙風起四方秋月  
當東懸賦詩面投擲悲哉不遇人此別定霑臆越

存先裁巾

徐裁目此篇備春夏秋冬四時之感董四時之意亦強

唐李長吉詩集卷之四 終



李長吉外詩集

明會稽

文長徐

渭

揆仲董懋策

批注

南園

方領蕙帶折角巾。杜若已老蘭若春。南山削秀藍  
玉合。小雨歸去飛涼雲。熟否暖香梨葉老。草梢

一作

浦竹柵鎖池痕

一作

鄭公鄉老開酒尊。坐泛楚秦

酒一作吟招覓

假龍吟歌

徐房增先隱終南山聞龍吟寺僧以銅碗潛戛效之增不能辨後秦

僧學之傳至桐江俱肖龍吟也

石乾銅杯吟詠枯瘁蒼鷹

作

擺血白鳳下肺

徐鷹

擊鳥而擺血鳳斜肺而落皆未勉有啼聲

桂子自落

徐初起瑟之聲

雲弄車

蓋徐比摩戛旋轉之勢

木死沙崩惡谿鳥阿母得仙今不老

徐形容龍之久隱如王母

宵中跳汰截清涎

徐銅也

隈孺臥水埋

金爪崖磴蒼苔

一作

弔石髮

徐此二句龍所載

江君

徐河伯

董江君當是湘君耶蘭香神女所詩亦有江君可參看

掩帳篔簹折蓮花去

國一千年

徐華山蓮花峯去終南不遠此言龍去國即去終南之意

雨後聞腥

猶帶鐵

徐聲不可聞矣而腥猶聞也白雲弄以上俱形容銅杯之假龍其下俱言隱終南之

真龍也

感調六首

人間春蕩蕩帳暖香揚揚飛光

徐日也

染幽紅

徐花也

誇嬌來洞房舞席泥金蛇

徐舞席之飾

桐竹

徐絲竹

羅花

牀眼逐春暝醉粉隨淚色黃王子下馬來曲沼鳴

鴛鴦

徐王子但知行樂如此而焉知征戍之辛久滯遠塞夫婦相念之勞如結二句所云也

焉知腸車轉一夕巡九方

其二

苦風吹朔寒沙驚秦水折舞影逐空天  
畫鼓餘清節蜀書秋信斷黑水朝波咽  
嬌魂從回風死處懸

鄉凡

徐此首大約即前首末二句意

其三

雜雜胡馬塵森森邊士戟天教胡馬戰  
曉雲皆血色婦人攜漢卒

色婦人攜漢卒

徐即召將軍歌傳粉女郎火旗下之意

箭箠囊巾

不慙金印重跟蹤腰鞬力恂恂鄉門老  
昨夜試鋒鏑走馬遺音動誰能分粉墨

鏑走馬遺音動誰能分粉墨

徐白黑也亦有功而音動不分黑白如此

者也

其四

青門放彈去馬色連空郊何年帝家物  
玉裝

鞍上搖去去走犬歸

徐此戰士

來來坐烹羔千金不了

饌格肉稱盤臊

徐以上及時效用而貴者

試問誰家子乃老

云能佩刀

董乃老郎乃公言其以父得廢官也

西山白蓋下

董白蓋白茅屋

也徐謂賢儁寒蕭蕭徐不及時用之也

其五

曉菊泣一作寒露似悲團扇風秋涼經漢殿班子

泣衰紅本無辭輦意豈見入空宮腰被珮珠斷灰

蝶生陰松徐士稍達而終窮者

其六

蝶飛紅粉臺柳掃吹笙道十日懸戶庭徐君思農至如十日

照並九秋無衰一作素艸調歌送風轉杯池白魚小徐此

水宴截香腴菱科映青罩芋蒙一作梨花

滿春昏弄長嘯一作笑徐以上述盛時下則慨衰矣唯愁苦花落不

悞世哀到撫舊唯銷一作傷鬼南山坐悲嘯

莫愁曲

艸生龍坡下鴉喚城堞頭何人此城裏城角栽石

榻青絲繫五馬黃金絡雙牛白魚駕蓮船夜作十

里游徐此上是日間莫愁下是夜間莫愁歸來無人識徐夜深故也暗上

沉香樓羅牀倚瓊瑟殘月傾簾鈎今日槿花落明

朝桐樹秋

徐二句不能不愁

莫負平生意

徐此句硬却仍舊莫愁

何

名何莫愁

徐否則負莫愁之取名

夜來樂

徐古樂府云十五生

紅羅復帳金流蘇。華燈九枝懸鯉魚。麗人映月開

銅鑪。春水滴酒猩猩沽。價重一篋香十株。赤金瓜

子兼雜麩。五色絲封青玉兔。阿侯此笑千萬餘。

此金玉值比南軒漢轉簾影疎。桐林啞啞挾子烏。

阿侯之笑也。劍崖鞭節青石珠。徐鞭節以珠白。吹湍凝霜鬚。

徐漏長送珮承明廬。倡樓嗟峨明月孤。續客下

馬故客去。綠蟬秀黛重拂梳。徐曉起入朝也此指其戚成武臣之少年

嘲雪

昨日發蔥嶺。今朝下蘭渚。喜從千里來。亂笑含春

語。一作兩徐托言雪從龍沙濕漢旗。鳳扇迎秦素。

久別遼城鶴。毛衣已應故。董詩之比體

春懷引

芳溪密影成。花澗柳結濃煙花。帶重蟾蜍。碾玉

徐詩甚不化諸作事。余作語更奇。然事似人也。

挂明弓。捍撥。乘金打仙鳳。徐琵琶寶枕垂雲。徐髮選春。  
夢。細合。徐盒碧寒龍腦。徐香東阿侯繫錦。覓周郎。徐所

選之。憑仗東風好相送。

白虎行

火鳥目暗。崩騰雲。徐指扇秦皇虎視蒼生。群燒書。

滅國無暇日。鑄劍佩。坎呼將軍玉壇設醮思。徐去聲

沖天一世二世當萬年。燒丹未得不死藥。拏舟海

尋神仙鯨魚張鬣海波沸。耕人半作征人鬼。雄

豪猛焰烈燒空無人為。決天河水誰最苦。今誰最

苦報人。義士深相許。漸離擊筑荆卿歌。荆卿把酒

燕丹語。劍如霜。分膽如鐵。出燕城。今望秦。月天授

秦封祚未終。衣龍衣。點赤。贈血朱旗。徐漢卓地白虎

死漢皇知是真天子。徐秦公夢天帝與之秦出史記

有所思

去年陌上歌離曲。今日君書遠遊蜀。簾外花開二

月風。臺前淚滴千行竹。琴心與妾腸。此夜斷還續。

想君白馬懸雕弓。世間何處無春風。君心未肯鎮  
如石。妾顏不久如花紅。夜殘高碧橫長河。徐以牛女事比  
河上無梁空白波。西風未起悲龍梭。年年織素擷  
雙蛾。江山迢遞無依絕。淚眼看燈乍明滅。自從孤  
館深鎖。應桂花幾度。點點缺。鴉鴉向曉鳴。森木風  
過。池塘響。叢玉白。日蕭條。夢不成。橋南更問仙人

嘲少年

青驄馬肥金鞍光。龍腦入縷羅衫香。美人挾坐飛  
瓊觴。貧人喚云天上郎。別起高樓臨碧篠。絲曳紅  
鱗出深沼。有時半醉百花前。背把金丸落飛鳥。自  
說生來未為客。徐不一身美妾過三百豈知斲地  
種田家。官稅頻催沒人織。長金積玉誇豪毅。每揖  
閒人多意氣。生來不讀半行書。只把黃金買身貴。  
少年安得長。少年海波尚變為桑田。榮枯遞傳急  
如箭。天公豈肯與公偏。莫道韶華鎮長在。髮白面

敵專相往

高平縣東私路

侵○侵○榭○葉○香○木○花○滯○寒○雨○今○夕○山○上○秋○永○謝○無○人○  
處○是去聲石○礫○遠○荒○澁○棠○實○懸○辛○苦○古○者○定○幽○尋○  
呼○君○作○私○路○徐上四句狀私路今之景而無人居也下四句狀私路之景而古有人處之也依希避秦之意

神仙曲

碧○峯○海○面○望書上○帝○揀○作○仙○人○居○清○明○笑○語○聞○

空○虛○鬪○乘○巨○浪○騎○鯨○魚○春○羅○書○字○邀○王○母○共○宴○紅○  
樓○最○深○處○鶴○羽○衝○風○過○海○遲○不○如○却○使○青○龍○去○猶○  
疑○王○母○不○相○許○垂○霧○娃○髮○更○轉○語○徐史及他梳掇董轉語王母來

此語不再見也以為摘掇何耶

龍夜吟

鬢○髮○胡○見○眼○睛○綠○高○樓○夜○靜○吹○橫○竹○一○聲○似○向○天○  
上○來○月○下○美○人○望○鄉○哭○徐望征夫邊塞之鄉董謂下美人指征夫下玉堂美人

人○則○征○婦○也○自○是○兩○處○直○排○七○點○星○藏○指○暗○合○清○  
事○望○鄉○為○堪○邊○塞○可○平○



風調宮徵蜀道秋深雲滿林湘江半夜龍驚起玉  
堂美人邊塞情碧牕皓月愁中聽寒砧能擣百尺  
練粉淚凝珠滴紅線胡兒莫作隴頭吟隔窻暗結  
愁人心徐夢之泚

崑崙使者

崑崙使者無消息茂陵烟樹生愁色金盤玉露自  
淋漓元氣茫茫收不得麒麟畫象上背上石文裂  
虬龍徐松鱗下紅波折何處偏傷萬國心中天夜

厚標長  
言理不及  
如元氣  
同

入高明月

嘆唐姬飲酒歌

御服沾霜露天衢長秦棘金隱秋塵婆無人為帶  
飾玉堂歌聲寢芳林烟柳隔雲陽臺上歌鬼哭復  
何益仗劍明秋水兇威屢脅逼彊梟噬母心碎厲  
索人魄相看兩相泣淚下如波激寧用清酒為飲  
作黃泉客一作不說玉山頽且無飲中色勉從天  
帝訴天上寡沈厄無處張總帷如何望松栢妾身

畫團團。君寬夜寂寂。蛾眉自覺長。頸粉誰憐白。矜  
持昭陽意。不肯郎南陌。徐郎字未穩。董郎恐作郎。省文意。當是舊宮姬。耶當  
是被賊脅之飲耶。

### 聽穎師琴歌

別浦雲歸桂花渚。蜀國玄中雙鳳語。徐聲芙蓉葉  
落秋鸞離。徐聲越王夜起遊天姥。徐起暗佩清臣  
敲水玉。徐聲渡海蟾眉牽白鹿。徐聲幽卽呦呦鹿  
狙泣神女用白鹿迎送射摩事或  
是長背朴撰亦不害其為妙也。誰看挾劍赴長

猶徐聲誰看浸髮題秦竹。徐以書法紫裏句連此

字挾劍題竹非以此語言此。兩者不足看以形容琴也。絃一僧前立當吾門。梵

宮真相曾稜。尊徐高古琴大軫長八尺。嶧陽老樹

非桐孫涼館。聞絃驚病客。染囊暫別龍鬚席。請歌

直一作請鄉相歌。徐鄉音奉禮官卑復何益。徐長

奉禮董語鳳離鸞。敲玉牽鹿猶日狀。聲為近至挾劍以狀氣。題竹以狀工意。蓋遠

### 謠俗

上林胡蝶小。試伴漢家君。飛向南城去。誤落石榴

编号 1188

册数 1

售价 8

裙脈脈花滿樹  
翩翩燕遶雲  
出門不識路  
羞問陌

其人  
玩文  
豈宮  
妾  
而入  
教  
者  
耶

庚午孟夏  
虬隱讀竟

時年六秩



此卷後兄松年家  
減蠹損將付炬  
此隱  
丐借閱之  
兄子駸愚不能讀  
父書良堪  
浩嘆讀竟誌之  
不知涕泗何從也

